

NA LE KA MOHLA MOLIMO

O FETOLA MOHOPOLO OA 'ONA

KA LENTSOE LA 'ONA?

 Ha re inamiseng lihlooho tsa rōna. Morena Jesu ea ratehang, re boetse phuthehile ka Lebitso la Hao, ka tebello e khōlō ea tšoloho ea Matla a Molimo a phelisang ho re elellisoa malulo le sebaka sa rōna, le maikarabelo a rōna, joaloka batho ba bitsitsoeng, ba ikarotseng ho lefatše, ba khakoletsoeng ho Molimo. Aba sena, Morena, bosiusing bona, hore mahlaohonolo a Molimo a re tsamaise a re tataise linthong tseo re li etsang kapa re li buang, ho tle ho isoa hlompho le khanya Lebitsong la Hao. Amen.

² Ke thabetse ho khutlela kerekeng bosiusing bona le ho ba le lōna batho ba ratoang. 'Me kea tseba ho futhumetse, empa ke letsilitse mohatsa ka, kea kholoa mono ke mashome a robong le ho hong, mashorobong-hlano kapa mashorobong-tšeleta kapa ho hong, 'me ho batla ho futhumetse ho feta mona. Ka hona ke batla ke tloaelo maemo a futhumetseng a leholimō joale. Ka hona, empa ke thabile haholo ho fihla tabernakeleng ena ka nako e babatsehang ena ea Paseka.

³ 'Me nke ke ka re ke kopa tšoarelo ka Molaetsa o molelele oo, o molelele oa hoseng hona, empa ke... Eona, ke ne ke sa batle—batle ho khathatsa mamello ea lōna le ho khutlela ho eona bosiusing bona. Empa ke—ke ne ke batlike ho—ho le tlisetsta Molaetsa oo, hore le karolo ea tsoho ena. Ua bona? 'Me le se toute ka Eona, hape, ua bona. Le ke le E thabele feela! Ha ho letho, nqa efe, le ka u arohanyang le Eona; ha ho letho; ho sireletsoa ka Bosafeleng 'Musong oa Molimo. Molimo ha o fèla o tlapisitse Tiiso ea Hae holim'a hao, o sebelitsoe joalo ho isa bofelong ba leeto.

⁴ Ha 'muso o maneha tiiso holim'a thepa, ha seporo se maneha tiiso monyako, lek'houchu leo le ke ke la tšoenngoa ho fihlela le fihla ha'bo lona.

Ha Molimo o maneha motho ka Tiiso ea 'Ona. 'Me Tiiso ke Moea o Halalelang. Mohla A tiisang motho ka mokhoa oo, o habile mafinyello a hae a Bosafeleng. Le ka mohla ha a sa tla khona, a khutlela morao, hape. Hobane le hopole, Baefese 4:30 e re, "Le se ke la soabisa Moea o Halalelang oa Molimo, oo le tšoailoeng ke 'ona ka linako tsohle." Ua bona, u tiisitsoe ka

mehla. U tiisitsoe, ka Bosafeleng, ka har'a 'Muso oa Molimo, ke Moea o Halalelang. Joale nahanang taba eo!

⁵ Hape, uena, liabolosi a ka u tebela, 'me a bue sohle ho uena, a u qose, 'me—'me a leke ho u nahanisa u se joalo. Empa u se ke ua mo mamela.

⁶ Joale, ua tseba hore u falletse lefung ho kena Bophelong. U tseba lintho tseo u kileng ua li rata, ha u sa li rata. Ua itseba hobane u lumetse Lentsoe la Molimo ka leng. U bone Molimo a sebetsa hantle har'a rōna, ntle le... Likhholiso tse sa fanyeng hore Ke "EA LENG TENG" e moholo. U lemo hile hoba sohle se boletsoeng ka Lebitso la Hae, ha ho letho le porofetiloeng ka Lebitso la Hae haese le etsahetseng hantle le entseng. Esita le ho fihla ho mahlale, leseli la litaba, setšoantšo, dik'hamera, bangoli, le ntho esele, e lemo hile taba eo. Ua bona, ho sa tsottelehe ba batla kapa che, Molimo o ba etsisa eona, leha ho le joalo, lea bona, ho e tsebahatsa.

⁷ Joale, ka ho ba sehlotšoana. Le hopole, ha A tlele sehlopha se seholo. "Se tšabeng, mohlatoana; ke thato ea Ntata lōna e molemo..." Ua bona?

⁸ Ke batla ho le siea ka lentsoe, le tšosang, pejana feela re hlomamisa moreri. 'Me ehlile e a tšosa, empa e le ho le tsebisa feela. Joale, ha ke re palo ena e ke eona-eona, empa ke batla ho e siea le lōna.

⁹ Ha ke tsebe haeba batho ba mona ba bone ho tsoalisa likhomo. Ebile, ha ke lumele ho eona, empa nkile ka e shebella e etsoa. 'Me ke ba bone ba nka peō ea e tona, e lekaneng feela, e ka rothetsoang holim'a metale feela, o kang lehlokoana le hlohlotsoang meno, ba e behe holim'a sekotoana sa mabole. 'Me ba khantše ligalase tseo tse holisang, ha ke tsebe ka makhetlo a makae, ho fihlela peō eo... Moo u sa tl'o bona letho ka leihlo la tlhaho, galase ea tloaelo feela. Empa ha e holisoa, makhetlo a lekholo kapa lekholo le mashome a mahlano, u ka bona ka har'a lerotholi le le nyenyan leo, la sepeme, mohlomong ho tlolaka dijemse tse mashome a mahlano ho isa ho lekholo. Hape, ho e tšehali ho tsoa mahe a mangata hakaalo, e le—e le sepeme. Joale, ha li—li kopanngoa, joale, tsa pele tse peli ha li hokahana...

¹⁰ Ho tla phela le le leng milioneng oo. Na le kile la e nahana? Ke jeme e le 'ngoe, le lehe le le leng, bobeli lia tšoana, empa ho tla phela le le leng. 'Me ha ho a reroa hore ke lefe le fihang pele mono. Hobane, ka linako tse ling lehe, le morao ka koana, 'me mohlomong jeme e holimo koana mahareng a sepeme, li tla khasa li tlolana holimo. Ke Bohlale bo rerang e tla ba moshanyana kapa ngoanana, ea hlooho-khubelu, ea hlooho-ntšo, kapa eng. Ke khetho ea Molimo. E ke ke ea e-ba letho lesеле. Khetho!

¹¹ Esita le tsoalong ea tlhaho, ke khetho, hore e tla ba moshanyana kapa ngoanana, kapa seo e tlang ho ba sona. 'Me ha jeme e nyenyan eo e khasetsa kahara lehenyana lena, 'me

mohatlana o khaoha, e qala mokokotlo oa lesea la mofuta; phoofolo, lesea, kapa eng feela. 'Me lijeme tse ling tseo tsohle tse limilione... Mahe a limilione, lijeme tse milione, 'me ho phela e le 'ngoe feela. Tsohle li a tšoana, empa ke Molimo o khethang se tlang ho phela ka khetho, 'me tse ling tsohle lia timela. E le 'ngoe ho milione!

¹² Mohla Iseraele a na a falla Egepeta, bohole ba lumetse molaetsa oa moporofeta a le mong. Ba bone lipontšo tsa Molimo, ka Moshe. E mong le e mong oa bona o e bone. 'Me e mong le e mong o tsoile Egepeta, 'me o parotse Leoatle le Lefubelu, 'me o kolobelitsoe ho Moshe. E mong le e mong o 'mone a otloa ke matla a Molimo, mohla a binang ka Moea; le mohla Meriama a tiletsang moropana, a mathela holimo-le tlase lebopong. E mong le e mong oa bona, bosiu bo bong le bo bong, ba jele manna a macha, a leholimō ho tsoa libakeng. E mong le e mong oa bona o noele Lefikeng leo la moea le teiloeng. 'Me Egepeta ho tsoile batho ba limilione tse peli. Ba finyeletseng lefatšeng la pallo ba bakae? Ba babeli. A le mong ho milione! Bao bohole ba hokae? Jesu o itse ba timetse. "Bontata lōna ba jele manna feelleng, ka lilemo tse mashome a mararō, 'me Ke re ho lōna ba shoele bohole."

¹³ Joale bosiusing bona Bakreste ba lefatšeng ba ka etsa limilione tse makholo a mahlano, ho akha Katolike, Protestanta, le tsohle. Hola Jesu a ka fihla ka Hloibilo eo, ho latela seo ke sa tsoa se bua, ho tla lahleha makholo a mahlano bosiusing bona, Hloibilong. 'Me mohlomong ho joalo letsatsi ka leng, haeba ho kenyelitsoa mafatše kaofela, ba sa fumanoeng. Ka hona e ka hlaha nako efe le efe, lea bona.

¹⁴ Oh, lōna Bakreste, ha re tlameng lihlomo tsa Molimo. Ha re etseng sohle seo re se tsebang, ho Mo sebeletsa, ho Mo rata, le ho emela nako e khōlō eo.

¹⁵ Joale, molokong ho ke ke ha hlaha limilione le bongata bo boholo bo kenang kahare. Ho—ho ke ke ha e-ba joalo.

Joale, le hopole, letsatsi ka leng le qetella moloko, letsatsi ka leng. "Joaloka matsatsing a Nohe, ho tla ba joalo ho tleng ha Mora motho, moo meeа e robeli e pholositsoeng ka metsi." Empa letsatsi ka leng le qetella lilemo tse mashome a mane tsa motho ea itseng, ea ba bang. Lea bona? 'Me letsatsi ka leng, ho tiiseletsoa palo e baliloeng 'Musong. Ka tsatsi le leng, ho tla fihla letsatsi la ho qetela.

Ha re ikholiseng joale, kelello ea rōna e sa ntse e sebetsa hantle. 'Me kahara kereke, le har'a batho, moo Moea o Halalelang o Ipontšitseng hakana 'moho le rōna, re ikholisehe hore sohle se lokile, 'me re lule re lokile, ka pel'a Hae.

¹⁶ Le se ke la phetsa. Le se ke la phomola, motšehare le bosiu, ho fihlela Matla a phelisang a u arohantse le lintho tsa lefatše, ho kena 'Musong oa Molimo. 'Me lōna ba kentsoeng 'Musong oa Molimo ka 'nete le phelisitsoe ke Moea oa Molimo, ha se le

thabo! Re tlameha ho khumama ka likeleli tsa thabo, motšeħare le bosiu, ho leboha Molimo ka seo A se entseng.

¹⁷ Bosiung bona re fetola tšebeletso hanyenyane. Re na le moena ea khabane mona, Moena Capps. O tla ho rōna ho tsoa kerekeng ea Nazarene. 'Me kea kholoa ho joalo, Moena Capps? Bosiung bona o lakalitse ho hlomamisoa ke rōna, ka peho ea matsoho.

¹⁸ Ha rea tšoara lipampiri ho li fa motho mang, feela re 'nkuoa joaloka . . . Re ka tšoara lipampiri, empa re lumela moreri oa mannete, ea hlomamisitsoeng, lipampiri tsa hae li Leholidōng. Lea bona? 'Me o—o fuoe tokelo ea ho rera Bibele ha feela Molimo a pakela bophelo ba hae ka Bibele. Re lumela e le tsona litšoanelo tsa hae.

¹⁹ 'Me, joale, Moena Capps o hlomamisitsoe semolao kerekeng ea—ea Nazarene, empa bosiung bona o batla ha baholo, le ba joalo, ba mo beha matsoho ho hlomamisoa, ho jara Molaetsa ona. Ke ntho e khabane hakae!

²⁰ Ke se ke—ke se ke utloile littlaleho haesale ke fihla Tucson, 'me ke littlaleho tse khabane hakae, tsa Moena Capps mona ea thusang Moena Neville oa rōna ea mosa, ea tšoereng kandelare ea Leseli ka bonatla boo banna ba babeli bana ba ka khonang. Re behile Moena Neville matsoho, empa e seng Moena Capps. 'Me ke batla bao e leng bareri, Moena Jackson le bao, haeba ba le teng mona, le Moena Ruddell le baholo ba kereke mona, haeba ba ka nyoloha metsotso e 'maloa feela joale, le ho beha Moena Capps matsoho. Le e . . .

²¹ Joale re fumana, ka Bibeleng, ba e sebelitse joalo, ba ba beha matsoho 'me ba ba khetha. 'Me le Timothea ba mo sebelitse joalo. Ha thoe, "Ka neo e leng ka ho uena, e ho tsoa ho nkhona'o Loise . . ." Ba lemohile, neo e lutseng ho monna eo, ba tlie ho eēna le baokameli, ka peho ea matsoho.

²² Joale, baena ba letsatsi la morao, baena ba pula ea letsatsi la morao, ba tšoere hoo, le hona, e lubakane. Ba hopotse ba mo file neo, ka ho etsa joalo. Che, neo e se e le ka ho eēna, 'me ba mo behile matsoho feela ho omela ho thoe ba lumetse Molimo a behile neo ka ho eēna. 'Me ba e ometse, ka peho ea matsoho.

²³ 'Me banna bana ba kereke ena mona, bao ke kholoang ba ruile moeeng oa bona Matla a Hae a phelisang; holane le ka nyoloha joale baena, Moena Ruddell le ba bang ba lōna mona kerekeng, le baholo le likereke sa likhaiseli tse mabapi, ho beha Moena Capps matsoho, a tle a hlomamisoe ka komelo ea rōna, pontšeng ea letšoelé lena, le ho romeloa kantle ho bolela Evangelie Morena Jesu, hohle moo Molimo a ka 'milesang teng. O fetoha . . .

E se e le e mong oa rōna, ka Tsoalo. Ke e mong oa rōna ka ha a lumetse Molaetsa. Ke e mong oa rōna ka—ka hobane o emetse 'Nete ea Lentsoe. 'Me re batla ho hlomamisa Moena

Capps semolao, ka pel'a lōna, ka peho ea matsoho, e le e mong oa rōna.

Ha se moo, Moena Ruddell, Moena Capps, Moena Neville. Moena Junior Jackson, lōna bareri bafe mona, ha ke tsebe feela bongata bo mona. Ha ke . . . Kea kholoa ba tšoere litšebeletso tsa bona bosiusng bona. Ka hona u ka nyolohela koano mona, Moena Capps.

Joale e be Moena Hunter le bao ba tsoang New York ba kae, ke . . . Moena Anthony? Kea kholoa ba khutlike. [Moena Neville o re, "Moena Anthony ke eane morao mane."—Mohl.]

Mang feela oa lōna ba leng koano, ea nang le rōna, khele, re ka thaba ha le ka nyolohela koano la ema le rōna joale, ka bopaki bo reng re lumela Moena Capps a le joalo.

Ba bakae ba lōna mona ba tsebang Moena Capps, phahamisa letsoho la hao. Ho lokile, theola letsoho la hao. Ba mo lumelang hoba mohlanka oa Molimo ba bakae, phamisang matsoho a lōna. [Phutheho e re, "Amen."—Mohl.] Re mo rata, joaloka moena oa rōna.

²⁴ Joale hantle-ntle ena ha se tsela e tšoanetseng ea seo re se bitsang hlomamiso, empa ke batla hore letšoole lena . . . Ha ke e-so khone ho bina sefela sena, empa ke batla le leke ho nthusa ka sona. Hore . . .

²⁵ Ka tsatsi le leng moporofeta o theohetse aletareng, ka tempeleng. 'Me eare a sa le ka tempeleng . . . E kile ea e-ba monna ea lokileng, empa esale a itšetlehile ka liphaka tsa morena Osiase, 'me e le—e le monna ea lokileng. Empa koana, tsatsi le leng, tempeleng, a bona ntho e itseng, a haptjoa ke pono, a e-so e bone pele. O bone Mangeloi, a nang le mapheo, a rura a ea morao le pele, ka mohahong, a hooeletsa, "Ua halelalela, ua halalela, ua halalela, Morena Molimo o Matlaohle!"

Tloo, moena. Yaa. Ua bona?

"Ua halalela, ua halalela, ua halalela, Morena Molimo o Matlaohle!"

Ben?

²⁶ 'Me hoba a etse, metheo ea tempele ea sisinyeha. 'Me a re, "Ho malimabe 'na! hobane ke motho ea melomo e sa hloekang." Ka pela Sefahleho sa Molimo o itemohile, leha koana e le moporofeta, haesale a fosahetse. O itse, "Ke motho ea melomo e sa hloekang, 'me ke ahile le batho ba melomo e sa hloekang."

²⁷ 'Me Lengeloi le leng la fofa, la okha leshala la Mollo la ama melomo ea hae, la re, "Porofeta, uena mora motho!"

Na u ka re fa lehlaso la eona, khaitseli, hle. Ba bakae ba tsebang sefela sena? Ha rōna, seratsoana se le seng. Ho lokile.

Ha leshala la Mollo le amme moporofeta,
 Ho mo hloekisa ka hloeko e tilieng,
 Lentsoe la Molimo le itse, “Ho tla ea mang
 bakeng sang sa rōna?”
 Eaba o araba, “Ke ’na enoa, roma ’na.”

[Sekheo lebanteng—Mohl.] . . . bua, Morena ka,
 Bua, ’na ke tla U araba kapele;
 Bua, Morena ka, bua, Morena ka,
 Bua, ’na ke tla arabela, “Morena, rōma ’na.”

Limilione joale li shoa ka sebe le ka masoabi;
 Utloa sello seo se bohloko se haulang;
 Akōfa, moena, akōfa ho ba pholosa;
 Arabela kapele, “Mong’ame, ke ’na enoa.”

Bua, Morena ka, bua, Morena ka,
 Bua, ’na ke tla U araba kapele;
 Bua, Morena ka, bua, Morena ka,
 Bua, ’na ke tla arabela, “Morena, rōma ’na.”

Baholo ba tle joale ba behe Moena Capps oa rōna matsoho.
 Bohle re inamise lihlooho tsa rōna.

²⁸ Molimo o ratehang, metheo ea tempele e boetse e sisinyehile, ka ho bona Moea o phelisang oa Bophelo o sebetsa ho Moena oa rōna. Kea rapela, Molimo, a sa utloa ho tsoa Holimo, ho thoe o tlameha ho ea. Re mo beha matsoho, joaloka baholo ba Hao, Morena, re mo ntsetsa letsoho le letona la bolekane; re ’meha matsoho a rōna, ho mo tsolella mahlohonolo a Molimo, hore U tle u tlotse melomo ea hae, mohopolo oa hae, botho ba hae bohle. ’Me a ise Molaetsa ona oa Evangelie lepatsong le leng le leng le koung eo U tlang ho ’miletsha ho eona. Aba sena, Morena. Re U nehela moena oa rōna, joaloka mohlanka oa Hao, ka Lebitso la Jesu Kreste. Amen.

²⁹ “U bolele Lentsoe,” moena oa ka e mocha. “Nako e lumela, le ha nako e sa lumele; u laee, u khaleme, ka mamello eohle le ka Thuto.” Molimo a u hlohonolofatse, moena.

³⁰ [Moena Ben Bryant o re, “Moena Branham, na u ka mpeha matsoho? Na u ka mpeha matsoho? Nka rata ho hlomamisoa.”—Mohl.] Ana uena . . . Ha kea u tseba u sa etsa joalo.

Moena Ben, mona, o tlide ho rōna. Ke kholoa a rerile nakoana. Koana, feela semolao ha a e-so khone (ke itse o entsoe joalo; lebaka leo ke ’mitsitseng ho nyoloha) hlomamiso, kapa ha a e-so behoe matsoho mona.

³¹ Joale, mohatsa Moena Ben o teng mona nqa e ’ngoe, ’me ke motho ea ratehang. E ne e le moreri oa mosali. ’Me ba chatile le moena oa rōna, eaba o mo tlisa tabernakeleng, eareha a bona ’me a utloa Lentsoe, ke leleiti le babatsehang la botho bo hlabosang, empa ha a bona hoba ho phoso ho basali ho etsa joalo, a e behella

ka thoko; 'me e bonahetse e oela ho monna oa hae. Ka tšoanelo. Ke ho latela boapostola. E tlamehile joalo.

³² Moena Ben o nka liteipi, ha ke utloa, eèna le mohats'ae. Ba kena re... libakeng tse ka mathoko, motšeо koana lithabeng, ho kena likhoeng, 'me ba letsa liteipi tsena 'me ba bua ka liteipi tsena. Hangata ba lelekoa, ba khesoa, ba kharameletsoa ntle. Re lebeletse hoo. "Hoba bohle ba phelang ka borapeli bo leng ho Kreste Jesu ba tla hlorisoa."

³³ Ba tsebang Moena Ben ba ba kae mona? Ba mo lumelang e le mohlanka oa Molimo ba bakae, [Phutheho e re, "Amen."—Mohl.] ea tšoaneloang ke lehlohonolo lena leo re mo kopelang lona ho Molimo? Lea bona, ha se mojaki. O hlotse le rōna lilemo le lilemo. Ke mo tseba e le monna ea ikokobelitseng. O itšoanela le 'na; o liphoso li ngata. Bohle re etsa joalo. Seo ke se ratang ka Moena Ben, o ikemiseltse ho khassa ka mangole a lokisa litaba.

'Me eitse ha a utloa, letsatsi le leng, ka *Lenyalo Le Hlalo*, eèna le mohats'ae ba se ba tla arohana, ka ha a ne a mo rata, le eèna o a mo rata, empa ba batla ho tsepama Lentsoeng la Molimo. Sohle seo Lentsoe le se buileng, ke sona seo ba se batlileng. Ke rapela Molimo ho hlohonolofatsa Ben le mohats'ae, tšebeletsong ea Hae.

Ha re beheng moena oa rōna matsoho.

³⁴ Molimo o ratehang, re beha Moena Ben oa rōna matsoho, ke pontšo ea hobane rea mo rata. 'Me rea lumela, Morena, hore o ikemiseltse ho U sebeletsa, ho rongoa ka liteipi tsena, ho li letsetsa batho ba lithaba moo ba bangata ba rōna ba ka sitoang ho fihla le ka mohla, empa koana Molaetsa o tšoanela ho ea lefatšeng lohle. Re U rapela ho hlohonolofatsa moena oa rōna, le ho mo neha Moea oa Hao, 'me O lule holim'a hae. Le ho mo tsamaisa, le ho tsamaisa eèna le mohats'ae ho finyella libaka tseo mohlomong ho lutseng moea o le mong teng, 'me menyako e ke ke ea koaloa pele nku e le 'ngoe eo e kenngoa ka hare. Ha U a khotsofalla tse mashome a robong le metso e robong. Eona... Lebitso le leng le le leng le Bukeng le tšoanela ho kenngoa ka hare. Ba thus, Morena, re sa mo beha matsoho, re iketsa setlamo le eèna joalo ka moena oa rōna. 'Me thuso ea rōna le thapelo ea rōna ho eèna, e tla tsamaea le eèna. 'Me re U rapela ho mo hlohonolofatsa, Morena, hohle moo a eang teng. Ka Lebitso la Jesu. Amen.

U hlohonolofatsoe, Moena Ben! Re u otlollela letsoho le letona la bolekane, joaloka baena ba rerang. Molimo a u hlohonolofatse, moena.

³⁵ [Moena Earl Martin o re, "Moena Branham, na u k mpeha matsoho, ho ntlhomamisa ho sebetsa joaloka molisa?"—Mohl.] John Martin... ["Earl."] Earl.

Ba tsebang Earl Martin ba bakae? Ba mo lumelang e le mohlanka oa Kreste ba bakae? O tla ho rōna a tsoa... Kea

lumela, qalong, o tsoa sehlopheng sa Pentekosta, 'me joale kea kholoa o a aloasa o sebetsa mosebetsi o ikemetseng.

³⁶ Ke tsebile Earl e le mohlanka oa makhonthe oa Kreste. Ha ke sa tla lebala ketso e le 'ngoe, ho hlahile tse ngata, empa ketso e le 'ngoe e amanang le Earl. Ke hopola mohla ba 'mitsang bosiu bo bong ke le Dallas, Texas; kapa ke—ke kholoa, che, e ne e le... [Khaitseli e mong o re, "Beaumont."—Mohl.] Beaumont, Texas, ke eona, khaitseli. 'Me ba—ba... Lesea la hae le ne le robetse, le e-shoa, 'me ba hopola le se le shoele. Le se le sa phefumolohe. 'Me eaba Earl o toba phaposing ea ka, joaloka ntate, a koba mahetla, a inama pel'a ka, ka ha ke ne ke le betheng. A phutholoha; a nkopela ka liphaka tsa hae le ho re, "Moena, ke lumela hobane u moporofeta oa Molimo. Haesale ke lumetse hoo. 'Me hola u ka bua lentsoe feela, leha lesea la ka le shoele, le tla phela." 'Me eaba lesea la hae le busetsoa bophelong, le a phela.

³⁷ Na le lumela balumeli baa ba lokela ho mo otlollela letsoho le letona la bolekane? [Phutheho e re, "Amen."—Mohl.]

Ha re rapeleng, baena, re sa 'meha matsoho.

³⁸ Ntata rōna ea Mosa oa Leholimō, re beha matsoho, hape, holim'a Moena Martin. Rea mo roma, Morena, lipheletsong tseo U mo laotseng ho li finyella; e ka bang kae, ba bangata kapa ba 'maloa, litselaneng, mebileng, meeling, haeba e le moo. E ka bang kae, Morena, mahlohonolo a Hao a mo apese. Re 'meha matsoho re sa mo laela mahlohonolo a Hao re mo fa mahlohonolo a rōna, hore Moea o holim'a rōna, Morena, o tsamaee le eēna, 'me o tle o mo tsamaise o mo tataisetse meeng e timetseng meeling le mebileng. Re mo roma joalo, ka Lebitso la Jesu Kreste. Amen.

Molimo a u hlohonolofatse, Moena Martin. Tsamaea joale, 'me Morena a be le uena.

³⁹ Ka morero o tšoanang? [Moena Richard Blair o buisana le Moena Branham—Mohl.] Richard ke lebitso la hao? ["Hantle. Richard Blair."] Ba tsebang Richard Blair ba bakae? Ba lumelang e le mohlanka oa Molimo ba bakae? O tsoa koana—koana sehlopheng sa kereke ea United Pentecostal.

'Me moena, Moena Blair, ke sa hopola pitso e khōlō, ea hae. Ke sa hopola mohla Moena Blair a neng a sa khone, a sa batle ho ntumela, hobane moea o ne o sebetsana le eēna, o 'molella hore ke fosahetse. 'Me eare a sa lutse hante ka kopanong, Moea o Halalelang oa retoloha oa e senola. [Moena Blair o re, "Ke hantle."—Mohl.] 'Me a le mothating oa—oa ho putlama methapo, 'me e le sona se mo kentseng maemong ao.

'Me ke hopola mohats'ae ea ratehang a mpitsa tsatsi le leng. A re, "Moena Branham, kea kholoa Richard o tla shoa." 'Me eēna, kea kholoa, a tšoere sek'hafo. A tloha a se beha holim'a hae, ha ke mo kopa, 'me ka rapela. Ke enoa. [Moena Blair o re, "Amen."—Mohl.]

⁴⁰ Lesea le hlahetsoeng ke kotsi, kapa... [Moena Blair o re, "Moshanyana oa ka."—Mohl.] Moshanyana oa hae, o ne a hlahetsoe ke kotsi, ba sa tšepe hakaalo ka eèna, boko ba hae bo lubakane. 'Me ka thapelo, le ka mohala, lesea la folisoa. ["Amen."]

Na le lumela Moena Blair e le paki ea 'nête ea Kreste? [Phutheho e re, "Amen."—Mohl.] Le rapelle mahlohonolo a lôna ho tsamaea le eèna.

Baena, mo beheng matsoho a lôna.

⁴¹ Molimo o ratehang, ho tsebahatsa moena oa rôna ea mosa le ea hlomphehang, mohlanka oa Hao, ea tsoile le sehlopheng sa ha'bo, ho tsamaea Leseling. Ntate, re U rapella ho hlohonolofatsa Moena Blair oa rôna, re sa mo romela ka mahlohonolo le ka komelo ea rôna, ka matsoho a rôna holim'a hae, hohle moo U ka 'milesang teng, Morena, mosebetsing ofe o ka hlahang. Moea oa Hao o tsamaee le Moena Blair. Mo tsamaise o mo tataisetse meeng e lahlehileng le e bolaoang ke lefatše lena, a tle a thusé ho fumana nku e lahlehileng eo, a e busetse mohlapeng. Hohle moo e ka bang teng, sohle seo U 'moloketseng sona, Morena, re kopa Moea oa Hao ho mo tsamaisa le ho mo tataisa leetong lohle la hae la bophelo. Rôna re baena ba hae. Re mo otlollela letsoho le letona la bolekane, re U kopa ho tsamaea le eèna, ka Lebitso la Jesu Kreste. Amen.

Letsoho le letona la bolekane! Molimo a u hlohonolofatse, Moena Blair. Re eme le uena, liphesente tse lekholo, ho u rapella le ho etsa eng le eng eo re e khonang ho u thusa joalo. Molimo a u hlohonolofatse.

⁴² [Moena Merlin Anthon o re, "Le ho 'na ho a itšoanelia, Moena Branham, ho hlomamisoa."—Mohl.] Ho thoeng? ["Hlomamiso."] U mang? ["Merlin Anthon."] Merlin Anthon. ["Ke kena kereké mona."] Kae? ["Mona kerekeng."] Kerekeng mona. Ke mang ea tsebang Moena Merlin Anthon? O mocha, ho 'na. ["Ke tsoa Salvation Army. U sa nkhopola?"] Oh, e. Ntšoarele, moena.

Ho tsoa Salvation Army, ke hantle, kea mo hopola. Ehlile, kea mo tseba joale. Ke feela... Ke ne ke sa tsebe sefahleho sa hae lekhatheng leo, nakong ea joale. Ba mo tsebang e le monna oa Molimo ba bakae? [Phutheho e re, "Amen."—Mohl.] Ba lumelang hore—hore Molimo o sebetsa le eèna ba bakae, phahamisa letsoho la hao. ["Amen."] Na le tla mo rapella? ["Amen."]

⁴³ Joale, moena, rea tseba u tsoa sehlopheng se seholo sa batho, Salvation Army, bao ke batho ba baholo. Empa, 'me, empa Salvation Army ha e sebetse haholo kantle seterateng. Ha re khone ho bua letho khahlano le Nazarene, kereké ea Pentekosta, kapa Salvation Army, kapa efe feela ea tsona; ke baena ba rôna. Empa, lea bona, rea lumela hobane re bajari ba Molaetsa o moholo oa hora ena eo re phelang ho eona. Na u batla ho etsa joalo le rôna? [Moena Anthon o re, "Amen."—Mohl.]

Ha re inamiseng lihlooho tsa rōna ha re beha moena oa rōna matsoho.

⁴⁴ Ntata rōna ea ratehang oa Leholimō, ke Uena Ea bitsang. Ke Uena ea phelisang Lentsoe, hore ba tle ba lumele. 'Me re beha moena oa rōna ea ratehang matsoho, e le komelo ea hobane re lumela U e-na le eèna 'me o tla thusoa. Re romela mahlohonolo a rōna le eèna, hore rōna joale ba lumelang re tlohile lefung ho kena Bophelong 'me joale re ruile Matla a phelisang lipelōng tsa rōna, ka mohau oa Molimo. Re beha moena oa rōna matsoho re mo romela ka mahlohonolo a rōna, hore U tle u mo tsamaise le ho mo tataisetsa lepatsong le leng le le leng la lefatše, Morena, leo U mo khathetseng ho ea ho lona. Moea oa Hao o tsamaee le eèna ka katileho ea 'mele, matla, le katileho bosebeletsing ba hae, hobane re mo romela ka Lebitso la Jesu Kreste. Amen.

⁴⁵ Molimo a u hlohonolofatse, moena. Leo ke letsoho le letona la bolekane, ua tseba, baena tsukutlanang le eèna ka matsoho, baena ka mokhoa oo. Hore le tle le . . . Ho lokile, Morena a le hlohonolofatse bohle.

⁴⁶ [Moena Carrell o re, "Ha ke—ke eso etsoe joalo, semolao. Ke batla u mpehe matsoho, joaloka bao, ka Lebitso la Jesu."—Mohl.] Uena, sohle seo u se lakatsang. 'Me la hao . . . ["Nako eo e fihlile, le joaloka bona."] Lebitso la hao u mang? ["Moena Carrell, ho tsoa Cincinnati."] Moena Carrell.

[Moena Carrell o re, "Ke ile ka hlomamisoa joaloka moreri, empa ke sa lumellane le moena ea neng a hlomamisa bareri ba basali, 'me ka lokela ho ikhula ho eona."—Mohl.]

Enoa ke Moena Carrell ea tsoang Cincinnati. Motha ea tsebang Moena Carrell, phahamisa la hao . . . Ea tsoang Cincinnati, kea belaela, hore motho mang o a tseba. O re o na a le sehlopheng, 'me sehlopha seo se batlile ho hlomamisa bareri ba basali. Ha a khona ho e mamella, 'me eaba o ikhula ho bona.

Hantle kamoo le 'na ke arohaneng le Missionary Baptists. Ngaka Roy E. Davis, ba kileng ba mo utloa ba bakae? Ehlide, le khonne, lea bona. A batlile ho hlomamisa baboleli ba itseng ba basali, 'me ka re, "Che, monghali. Joaloka moholo," ka re, "nke ke ka etsa joalo, ka phalimeho. E khahlano le Lentsoe la Molimo."

⁴⁷ Ha ke tsebe uena, Moena Carrell. Empa ho latela bopaki ba hao, le 'Nete eo u e emetseng . . . Ha rea koetla letho khahlano le basali bao. Ke likhaitseli. Rea ba rata. Empa re lumela ba e-na le sebaka sa bona, le hore ba tšoanelo ho lula. Lea bona? 'Me rea lumela hobane ba bohlokoia ho monna, molekane. 'Me le ho leka . . . Re ba nahana e le limpho tse khôlôhali, kathoko ho pholoso, tseo Molimo a kileng a li neha monna. Empa ha a na sebaka sefaleng, ho latela Lentsoe la Molimo. Ho latela motheo, le tumelo ea hao ho Molimo, re u beha matsoho, ka bolekane, ho tsamaea le rōna.

Ha re mo beheng matsoho.

⁴⁸ Ntata rōna ea ratehang oa Leholimō! Mohlankana enoa, ekare ke utloa maikutlo a hae feela. O kharamelitsoe kantle ka baka la 'Nete e tiileng. Ho thoe, "Motho a ke ke a phela ke bohobe feela, empa le ke Lentsoe le leng le le leng." Ka hona re mo beha matsoho, ho beha mahlohonolo holim'a hae. Moea oa Hao o mo tsamaise, ho mo tataisa, le ho mo tsamaisa leetong la bophelo hohle moo U ka mo romang teng, Morena. A tsebe hobane rea mo rapella, 'me re tla mo thusa, re mo tšehetse ha feela a emetse 'Nete. Aba sena, Morena. Re mo romela, ka Lebitso la Jesu Kreste. Amen.

Molimo a u hlohonolotse, Moena Carrell.

Le ba behe matsoho feela, ba fapaneng bao. Lōna bohle le ba otlollele matsoho a bolekane bakeng sa hoo.

⁴⁹ Moena Ruddell, mona, ha eso hlomamisoe semolao mona kerekeng. Na . . . Ba tsebang Moena Ruddell ba bakae? [Phutheho e re, "Amen."—Mohl.] Re mo tseba bohle. Ba mo tsebang e le monna oa Molimo ba bakae? ["Amen."]

Ntate ea ratehang oa Leholimō, ho be joalo ha baholo ba Hao ba beha matsoho holim'a moena enoa ea fetileng matebong, a metsi a lukehileng. O bone phutheho ea hae e fela. O bone ntho e 'ngoe le e 'ngoe e etsahalang, empa koana a lumela. Leha koana e . . . ? . . . Re 'meha matsoho, re fetisetsa mahlohonolo ho eēna. Mo tlotse, Morena, ka matla, ka Lentsoe, Morena, le ho mo romela lepatsong ka leng la lefatše! . . . ? . . . ho lula holim'a hae le ho mo thusa. Le ho mo roma, ka Lebitso Jesu Kreste. Amen.

⁵⁰ Moena Ruddell, u otlolletsoe letsoho le letona la bolekane ka mehla. Ke tseba Moena Ruddell. Ekare—ekare moshanyana oa ka. 'Na le ntat'ae, 'mè, re tsebane nako e telele. 'Me ke tseba Moena Ruddell e le mohlanka oa Molimo. Ke sebelitse le eēna. Molimo a u hlohonolofatse, Moena Ruddell.

⁵¹ Lebitso la hae ke mang? U mang, moena? [Motho emong o re, "Sebare sa Moena Martin."—Mohl.] Moena Martin, na u a mo tseba, Moena Martin?

Lebitso la hao ke mang? [Moena eo o re, "Rev. McComas."—Mohl.] Moena McComas. Kea kholoa ha ho motho ea mo tsebang mona, empa ke a . . . E, monna enoa mona o a mo tseba, Moena Tyler. 'Me o tlela ho . . . matsoho a beoe holim'a hae, hore e be mojari oa Evangel. Moena McComas, u hlaha kae, Moena McComas? ["Rockford, Illinois."] Rockford, Illinois. ["U ne u letselsitse lapeng, veke e fetileng, kapa bosiu ba Mantaha o fetileng, le ho rapella mohatsa ka."] Oh, na ho joalo? Ho tsoa Tucson. ["Tucson, Arizona."] Oh, ke hopola mohala oo joale. [O ile a phahama hoseng ho hlahlamang.] Ho bokoe Morena!

[Moena Martin o bua lethonyana le Moena Branham—Mohl.] Ho thoeng? ["Khaitseli ea ka e monyenyan."] Khaitseli ea hao.

[“O teng mona joale. O ne a shoele litho.”] Ka hona, o teng mona joale, o ile a rapelloa, bosiu bo bong, ho tsoa Tucson, ka mohlala. [“A shoele litho.”] Par- . . . [“O ne a shoele litho, ’me o teng mona hona joale.”] O ne a shoele litho, masiu a ’maloa a fetileng, ’me o teng mona hona joale. Moena Martin o tseba taba eo, motsoalle. Ha ho makatse a batla ho jara Molaetsa!

Ha re beheng moena oa rōna matsoho.

⁵² Molimo o ratehang, ke beha matsoho a ka, ’moho le ba bang bana, holim’ a mohlanka oa Hao, ho mo otlollela letsoho le letona la bolekane, ho rapella mahlohonolo a Molimo ho re a . . . ? . . . [Lipolelo tsa Moena Branham ha li a hlaka—Mohl.] . . . ? . . . seo U mo laotseng ho ba sona. Mahlohonolo a Hao a theohele holim’ a hae, ho mo tsamaisa le ho mo tataisa, ka Lebitso la Jesu Kreste. Amen.

Letsoho le letona la bolekane, moena oa ka, le linthro tseo li be le uena. Molimo a be le uena.

⁵³ [Motho e mong o re, “Moena Branham?”—Mohl.] E, moena? [“Ke sa na le e mong ea batlang sena.”] Ho lokile, monghali. Kea kholoa enoa ke . . . [“Moena Darris.”] Moena Darris. Ha ke . . . [“Ke tseba Moena Earl le Moena Brewer.”] Monna enoa ke Moena Darris. U hlaha kae, moena? [“Black Rock, Arkansas.”] Black Rock, Arkansas. Moena . . . [“Kea mo tseba, moena.”] . . . mo tseba. Motha e mong o sele, kea lumela, mona, ho itsoe . . . Moena Brewer. Kea kholoa ke kopane le bona, hoseng hona. Le—le Khaitseli Vayle, kea lumela, Moena Vayle, le bao ba mo tsebang, le ho mo tseba e le monna oa Molimo, mohlanka oa Molimo. Ho a babatseha!

⁵⁴ Be, joale, moena oa ka ea ratehang, ho ba mojari oa Molaetsa, re batla u tsebe hobane re tla u tšehtesa, ho etsa sohle seo re ka se khonang. Re tla be re u rapella, hore le uena u ise Molaetsa ona lipheletsong tseo Molimo a u laotseng ho fihla teng.

Ha re beheng Moena Darris oa rōna matsoho.

Molimo o ratehang, re beha moena oa rōna matsoho, ho mo otlollela letsoho le letona la bolekane, le ho mo roma ka Lebitso la Jesu Kreste, hore U tle u mo tlotse. ’Me . . . ? . . . ho mo otlollela letsoho le letona la bolekane! . . . ? . . . ’Me Moea oa Hao o tsamaee le eèna, ho mo tsamaisa le ho mo tataisa, ka Lebitso la Jesu Kreste. Amen.

Molimo a u hlohonolofatse, moena.

⁵⁵ Joale, kea lumela, Moena Anthony. Bongata ba lōna bo tseba Moena Anthony. O lutse le rōna halelele. Ke mo tseba e le mohlanka oa Kreste, ka bona. Ke lumela e le mohlankana ea inehetseng. Ha a eso beoe matsoho semolao. Ha a tseba hore sena se tla latela, metsoalle. Lea bona? Empa hona joale ho lokile ho feti nakong efe. Ka baka leo re tla beha Moena Anthony matsoho ho mo otlollela letsoho le letona la bolekane. Molimo ke ’ona o

tlamehang ho hlomamisa. Mona ke ho mo tsebisa feela, 'me le a tseba, hore re lumela moena enoa 'me rea mo rata, 'me ke e mong oa rōna, Molaetseng. 'Me re batla hore a fuoe mahlohonolo a Molimo, 'me ke sona seo re mo kopelang sona. Ha re rape leng, re sa beha matsoho a rōna, holim'a moena.

⁵⁶ Molimo o ratehang, mohlankana ea ithobileng enoa ea monyenyan, oa Hao oa Motadiana, Morena, o tla bosius bona, e le ho—a tle a behoe matsoho, 'me o otolleloa letsoho le letona la bolekane semolao, ho tsoa kerekeng. Morena, Matla a Hao a maholo a rome moshanyana e mocha enoa libakeng tsa lefatše le lepat song leo U 'milelitseng ho lōna. 'Me a boele a tlohe a loe le batho bao sebeng le maloetseng, le ho sebeletsa Uena, Morena, matsatsi 'ohle a ho phela ha hae. U ke u mo tsamaise, ho mo tataisa. Mahlohonolo a rōna a be le eēna, r sa mo romela, ka Lebitso la Jesu Kreste. Amen.

Molimo a u hlo honolofatse.

⁵⁷ [Motho e mong o buisana le Moena Branham—Mohl.] Huh? Oh, ha ke tsebe. Re hokantsoe ka mohala; lisente tse mashome a mahlano ka motsotsotso. O teng mona motho ea batlang . . .

Nyolohelang koano mona le ipolele mabitso, hore le bo mang, baena, hantle feela maekeng holimo *mona*. Ba bolelleng feela. [Moena e mong le e mong a bolele lebitso la hae, "Pat Tyler," "Claude Boggess," "Dale Potter," "...?...Henasey," "James Humes," "Earl Horner."—Mohl.] Na ke bona bao? [Motho e mong o re, "E."] Baena ba ka.

Banna bana, na le lumela Molaetsa ona e le 'Nete e tsoang Lentsoeng la Molimo? [Baena ba re, "Amen."—Mohl.] Le lumela ka pelō eohle ea lōna? ["Amen."] Ho lokile. 'Me na lea lakatsa, 'me le nahana ha re ka le beha matsoho . . . Re batla le tsebe hoba re eme le lōna, 'me re tla etsa hohle hoo re ho khonang ho le thusa.

'Me joale ke batla hore lōna baena, hore le bona ke khone ho ba beha matsoho, le nyolohelang koano le lōna. 'Me bohle ha re inamiseng lihlooho tsa rōna, re sa ba beha matsoho.

Molimo o ratehang, seholpha sa banna ke sena. Ke beha e mong le e mong oa bona matsoho, ka Lebitso la Jesu Kreste, Mora Molimo. 'Me Uena, Ea ba bitsitseng ho ba basebeletsi, hore ba tle ba O rere, Morena, matsatsi 'ohle a ho phela ha bona. 'Me . . .? . . . ho bolella 'mopua e mong le e mong Evangel. Re ba otollela letsoho le letona la bolekane, le ho rapella mahlohonolo a Hao ho lula le bona, Morena, re sa ba hlo honolofatse, re romela mahlohonolo a rōna. A ee lepat song lefe le lefe la lefatše leo U ba romileng ho fihla teng. Ba sebetse 'me ba U sebeletsa ka bokhoni boo U ba bilelitseng bona. Ebe bahlanka ba Molimo ba linatla le ba sebele. Aba sena, Morena. 'Me re e kopa ka Lebitso la Jesu Kreste.

⁵⁸ Molimo a le hlo honolofatse, ka bonngoe, baena. Molimo a u hlo honolofatse. Molimo a u hlo honolofatse, moena. Molimo

a u hlohonolofatse. Molimo a u hlohonolofatse, Moena Humes. Morena a be le lōna, e mong le e mong.

Ho bokoe tlamo e tlamang
Lipelō tsa rōna ka lerato la Bokreste;
Kopano ea mohopol o joalo
E tšoana le ea Holimo.

⁵⁹ Na ha A babatsehe? Nahanang joale, ke bareri ba bakae mona bosiung bona ba batlang ho behoa matsoho!

⁶⁰ Ha kea tseba re hokantsoe mohaleng ona. Haeba batho ba kantle mono ba ka ntšoarela eona; ha kea e tseba. Lea bona? Ha kea tseba feela ba tla hokanya Molaetsanyana ona bosiung bona. Empa rea . . .

⁶¹ Joale re tla bala Lentsoe re rapele, le ho kena ka kotloloho Molaetseng ona oo ke utloang Moea o Halalelang a batla ke le tlisetse bosiung bona.

⁶² 'Me joale re sa phetla morao ho . . . bakeng sa sehlooho, ke tla se tsebisa nakoaneng. Ha re phetleng ho Numere, khaolo ea 22, temana ea 31. Numere 22:31, bakeng sa sehlooho. Ha le ntse le phetla, haeba le batla ho bala, ho e bala kapa ho e tšoaea.

⁶³ Ke batla bohle le nkhopole joale, ho fihlela ke le bona hape, kea tšepa, neng-neng lehlabula lena, ha Morena a ratile. 'Me ha ntho e ka etsahala, ha ke sa khone ho tšeleta mose ho maoatle, ke tla khutla. Empa joale rea lumela, kamoo sena sohle se sebelitseng, ha e le moo Moea o Halalelang a tla re romela tseleng eo A khethileng ho re romela ho eona ka sebele sa Hae. 'Me re batla ho e sebetsa joalo. Morena a hlohonolofatse!

⁶⁴ Ntate, re mothating oa ho bala Lentsoe la Hao. Na U tla Le hlohonolofatsa le ho Le tlotsetsa kutloisiso ea rōna, re e kopa ka Lebitso la Jesu Kreste. Amen.

⁶⁵ Buka ea Numere, khaolo ea 22 le temana ea 31.

'Me eaba MORENA o tutubolla mahlo a Baalame, 'me a bona lengeloi la MORENA le eme tseleng, le tšoere sabole letsohong la lona: eaba o inamisa hlooho ea hae, 'me a itihela fatše ka sefahleho.

⁶⁶ Joale, palo ena, ke ho haha therò ka eona, ke batla ho reella temana ena: *Na Le Ka Mohla Molimo O Fetola Mohopol Oa 'Ona Ka Lentsoe La 'Ona?*

⁶⁷ Ehile ke temana ea tonana eo, 'me ke 'Nete e khōlō eo re tlamehang ho e utloisia. Na ebe Molimo o ka bolela taba o ntano re, "Ke masoabi ha Ke e buile"? Na ebe Molimo o ka khutlisa Lentsoe la Oona, hoba A Le bolele?

⁶⁸ Joale, polelong ena mona, lebaka leo ke khethileng polelo ena, ka hobane e le e 'ngoe ea lipolelo tsa Bibele tseo mobali, ea lekang ho bona, kapa ea lekang ho bolela ha Molimo o hlile o fetola mohopol o Oona; mona e ka re O fetotse mohopol oa

Oona ho feta tulong efe ka Bibeleng, eo ke e tsebang, hobane O boleletse Baalame taba e itseng a ntano 'molella e itseng. 'Me joale, batho ba bangata ba lekile ho fetola Baalame feela, oh, senohe kapa ntho e itseng. Empa Baalame e ne e se senohe. E ne e le moporofeta oa Morena.

⁶⁹ Joale, re tla leka ho ralla Molaetsa, pele. Iseraele o kene leetong a tsoa Pales- . . . a tobile Palestina, a tsoa Egepeta. 'Me Morena a tsamaea le bona, 'me ba ne ba . . . Sera sefe se hlahileng ka pel'a Iseraele se fothotsoe tseleng, hoba Molimo o boletse O tla ba etella pele ka bobi ho qobokisa sera, ha feela ba tsamaea kutlong ea molao oa Oona. Mosebetsi o ke ke oa ba sita. Baamaleke, liqhobane tsa letsatsi, keha li sa bolele letho ho Iseraele. Leha koana e le monna ea monyenyanne ka seemo, empa ba ne ba hoanta ka HO RIALO MORENA. Ho sa tsottelehe boholo ba khanyetso, Molimo oa hlokomela kamehla hore Mantsoe a Oona a pallo ha a soabise Iseraele.

⁷⁰ 'Me Iseraele oa Testamente ea Khale ke papiso ea Monyaluoa oa Testamente e Ncha, ea tsoang—ea tsoang lefatšeng, a hoanta tseleng a habile Kanana, kapa Kanana eo re e tobileng, ke Mileniamo.

⁷¹ Joale, joale, mona re elelloa Moabe a bapisa kereke. 'Me Moabe . . . Ba ne ba sa tsoa bolaea marena a 'maloa 'me ba chechisitse sera, ba bolaile sohle, ba rua lefatše, 'me ba nyoloha ka la Moabe. Joale, ruri le ho leka Moabe e ne se sechaba sa mohetene. Moabe e le sechaba se sebeletsang Molimo o tšoanang le oa Iseraele. 'Me qalong lefatše la Moabe le theiloe ke mora oa Lota, ka morali oa hae ka sebele. 'Me eēna, e le mothei oa sechaba sena, 'me mohlang oo a hlopholotse batlotlehi ba hae le ba joalo, 'me a theile ka bona sechaba se seholo, 'me ba ngatafetse 'me ba hatetse pele.

⁷² 'Me, joale, Iseraele e ne e tsoa peōng ea Abrahama, e seng ea Lota. Iseraele o tsoa ho Isaaka, Jakobo. 'Me Iseraele o tsoile merabeng e leshome le metso e 'meli eo ea Jakobo, hamorao sa bitsoa "Iseraele," hobane o ne a betane le Morena. 'Me Moabe mona . . .

⁷³ Joale, tabeng ena, 'me lōna batho ba kantle koana ho—koana lifonofonong, pele ke batla ho bolela hore ke—ha ke lakatse ho nyatsa, 'me ke t̄epa ke se joalo. Empa, Molaetsa oo ke o filoeng, ke t̄oanelha ho t̄sepahala Molaetseng oo, ho seng joalo e ka ba ke moikaketsi. Lea bona? Nke—nke ka bua ho feta kamoo ke romiloeng ho bua.

'Me ke—ke hopola sera se seholo sa moifo oa Bokreste kajeno ke likereke tse hlaphisitsoeng. Ke lumela ka pelō ea ka eohle hobane qetellong e tla phethela ka ho bopa letšoao la sebata, etsoe nka khona, kea kholoa nka kholisa ka Bibele ka thuso ea Molimo. Nkile ka etsa joalo. Hono, e tla bopa letšoao la sebata, ka federasi ea likereke. Hobane, Molimo le ka mohla,

nakong efe, ha o eso hlomphe kereke e hlomamisitsoeng, kereke e hlophisisitsoeng, lekhale. Ha O eso etse joalo.

⁷⁴ 'Me enereha motho a hlophisa mokhatlo, Moea oa Molimo o furalle 'me oa se hhole o khutla. U ka botsa ranalane ofe, kapa mohlomong le uena u 'mali. Lekhale! Enereha ba hlophisa, Molimo oa e rapalatsa bobolokelong, 'me ke hona moo e ileng teng; ea lula, ho tloha mohlang oo. Ba ekelitse litho, empa ha se letsoso la Moea; lekhale, hape le ka mohla.

⁷⁵ ⁷⁴ Moabe, mona, ke papiso ea tse joalo, hobane bao e ne e le a— a sechaba se hloailoeng; lefatšeng la eona, joaloka mokhatlong oa bolumeli ba bona. 'Me teng ba hlomile merapelo ea bona, 'me borapeli ba bona bo itšoanela le borapeli ba Israele. E ne e le ba-Moabe ba lumetseng ho Jehova Molimo, feelsa e le sehlopha sa batho ba hlophisisitsoeng.

⁷⁵ ⁷⁶ 'Me, joale, ba tšoantša kereke ea tlhaho, Israele e tšoantša kereke ea moea e keneng leetong la eona. Joale, Israele e ne e se sechaba se hlophisisitsoeng. Ha feelsa ba setse Molimo morao, ba ne ba ipusa. Ba nyolohile, e le bajaki, ho se moo ba eang teng. Hohle moo Topallo ea Mollo e ileng teng, ba tsamaile le Eona. E ne e se sechaba se hlophisisitsoeng. Ba ne ba tšoere sepheli har'a bona, ka ha lebollo le ba babaletse eona tlas'a molao ka Molimo, empa nakong ea joale e se sechaba se hlophisisitsoeng. Qetellong ha ba ipopa sechaba se hlophisisitsoeng, ke hona moo ba putlameng 'me ba latola Messia oa bona.

⁷⁶ ⁷⁷ 'Me joale re fumana, ka mehla, ha lintho tsena tsa tlhaho le tsa moea, meea ea likereke le mekhatlo, e kopana, qabang e teng ka mehla. Ha eso hholehe ho hlaha. Ka mehla lia qabana. Hobane, re fumana ho tsoha mona. 'Me mono, ka har'a mona ona, o hlahisa boipēho ba nama, boetsisi. 'Me kajeno re e fumana, e tšoana le mohlang oo. Mohla Molimo o etsetsang motho nthoana, mang le mang o leka ho tšoantšisa kamoo Molimo o e babaletseng motho eo. Lea bona, e fehla tlholisano, 'me e hlahisa ntho ea nama. 'Me haeba ba sa khone, lehlakore le leng, ba sa fuoe liphetho tsa moea, ba e hapa ka matla a sepolotiki, kapa ba e fapanyetsa ka ho hong, ho ferekanya likelello tsa batho, ho ikuhulela barutuoa.

⁷⁷ Ke sona se hlahileng hantle qalong; joaloka Kaine le Abele, bashanyana ba babeli mona lefatšeng. 'Me eare ha Abele a hlahisetsha Molimo sehlabelo se molemo ho sa Kaine, 'me Molimo o nètefatsa Abele, ka ho theoha le ka ho amohela sehlabelo sa hae; ea fehla mona oa Kaine, hobane a honohela moena oa hae, 'me a bolaea moena oa hae.

⁷⁸ Se galile tšimolohong, mehleng ea ea tlhaho le ea moea, koana Kaine le Abele ba sebelelitse Molimo o le mong. Ba hahile lialetare tse tšoanang bobeli. Ba khumametse Molimo o tšoanang bobeli, kerekeng e tšoanang, aletareng e tšoanang. Empa Kaine, ka mabaka a nama, o tlisitse litholoana tsa na ha a li ala holim'a

aletare e le sehlabelo, a hopola e le sona se tla araba potso ea Molimo ea pheko. O tlamehile a be a tlisitse, joaloka ha batho ba nahana kajeno, “ke liapole tseo Adama le Eva ba li jeleng, tse hlahisitseng sebe.” ’Me, e ka bang eng, ke nahana joale ba e theoletse ho “garanate” kapa ntho e ’ngoe joale. Ba bang ba bona ba boletse, nakoana e fetileng, e le ntho e ’ngoe esele.

⁷⁹ ’Me, empa Abele a tšoara sehlabelo se loketseng. O tsebile e ne e le mali a entseng joalo, eaba o tlisa konyana. ’Me eare ha Molimo o amohetse sa hae, joale, Abele, ka tumelo, ka tšenolo, ha ho tsela e ’ngoe. Bibele e ne e sa ngoloa. Ka hona, lea bona, qalo ea ho loka ke ’Nete ea Molimo e senotsoeng, ’me Kereke eohle ea Molimo o phelang e hahiloe holim’ a ntho eo.

⁸⁰ Jesu, ka letstsi le leng, ha a theoha thabeng, o boleletse barutuo ba Hae, “Ke le Mora motho batho ba re ke mang?”

“E mong o itse U ‘Moshe’ ’me e mong o re U ‘Eliase’ ’me U ‘Jeremia, kapa e mong oa baporofeta.’”

A re, “Empa lōna le re Ke mang?”

⁸¹ Ke mohla moapostola Petrose, ea bululetsoeng ke Molimo, a phelisitsoe ke Moea, a etsang tlhahiso eo ea tonana, “U Kreste, Mora Molimo o phelang.”

⁸² Le lemohe polelo eo. “U lehlohonolo uena, Simone, mora Jonase, ha se nama le mali tse u senoletseng hona. Ntate oa Ka ea Leholimōng o u senoletse hona. U Simone. Holim’ a lejoe lena . . .”

Lejoe lefe? Joale, Makatolike a re, “Ke holim’ a Petrose, lejoe, lejoana.” ’Me Maprotestanta a re, “Ke holim’ a Kreste, Lefika.”

Ha ke batle ho fapano; empa e ne e le holim’ a tšenolo eo Petrose a e fumaneng, hore E ne e le Mang. “Ha ho ea ka tlang ho ’Na,” Jesu o boletse, “a sa huloe ke Ntate oa Ka pele. ’Me bohle bao Ntate a ’Neileng bona ba tla tla ho ’Na.”

“U Kreste, Mora Molimo o phelang.”

⁸³ “U lehlohonolo uena, Simone, mora Jonase; ha se nama le mali tse u senoletseng hona, empa ke Ntate oa Ka ea Leholimōng. Holim’ a lejoe lena Ke tla haha Kereke ea Ka, ’me likhoro tsa lihele ha li ka ke tsa e hlola.” Lentsoe la Molimo le senotsoeng ka Moea!

⁸⁴ Lemohang, Abele, ka tumelo ho Molimo, o hlahisitse sehlabelo se molemo ho feta. ’Me molumeli oa tlhaho o hopotse e ne e le ka mesebetsi ea matsoho a hae, hoo, le lithoaloana tsa hae le nyehelo ea hae e ntle a e tlisitseng, e le eona eo Molimo a e hlomphang, ’me ea hlahisa qabang.

Re fumana Abrahama le Lota ba ne ba tlameha ho qabana.

⁸⁵ Re fumana Moshe le—le Dathane, Kore, ba qabane ka ho tšoana.

Moshe, moporofeta ea hlomisitsoeng a tšoere Lentsoe la Morena, a nètefalitsoe hoba o khethetsoe ho ba moetapele oa bona oa hora, le hobane Abrahama o tsepisitse lintho tsena tsohle, 'me mona Moshe o entse ka tšoanelo seo Molimo a se boletseng se tla hlaha, se tla etsahala.

'Me Kore, oa nama, a batlile ho cheta mokhatlo har'a bona. A batlile ho hlopholla seholpha sa banna. 'Me Molimo ha o sebelise batho ka tsela eo. E supa hantle mono, Lengolong leo, ke papiso ea leeto la kajeno, hore Molimo ha o hlomamise mokhatlo. Hoba, hang hoba Kore a e etse, o boleletse Moshe, "U ikimetsa haholo." Ka mantsoe a mang, "Phutheho eohle e a halalela! Khele, u ipitsa monna ea halalelang o le mong. Ha u na tokelo ea ho etsa joalo. U leka ho iketsa motho ea phahameng. Re halalela kaofela. Re bana ba Molimo kaofela."

⁸⁶ 'Me eaba Moshe o sokolla hlooho ea hae a ikela. A re, "Morena, ke tla etsa'ng?"

⁸⁷ Molimo oa re, "Mo sirohe. E Nkhitlile." 'Me A mo metsa ka lefatše.

⁸⁸ Lea bona, qabang e hlahile moo. Mohla oa nama a kopanang le oa moea, qabang e hlaha ka mehla. Mohla Judase le Jesu ba kopanang, ho hlahile qabang; e Mong, Mora Molimo; e mong, mora Satane. Joalo ka Kaine le Abele feela, qabang ea mohla ba kopaneng. E mong e le ramatlotlo oa kereke, 'me e Mong e le molisa. 'Me ho tšoana le joale, re fihla letsatsing lena, re finyella ntho eona eo hape. Bolumeli ba nama khahlano le Monyaluoa oa Kreste oa moea. Monyaluoa oa Kreste oa moea o fapane hole lemekhatlo ea nama, ebile ha li ka ke tsa bapisoa ka letho ho hang.

⁸⁹ Joale lemohang, ka mehla ea tlhaho e leka ho ipapisa le ea moea. Empa, joaloka ho Jakobo le Esau, e ke ke ea sebetsa. E ke ke ea khona. Joale, maloka le ho etsa mesebetsi e khabane, ke—ke kholoa Esau a bile a rothofatsa Jakobo, pontšeng ea batho. A leka ho hlokomela ntatae; o ne a foufetse, e le moporofeta. Le lintho tsena tsohle tseo a lekileng ho li etsa, empa koana Esau ha a e hopola e le mosebetsi oa nama feela. A hopola a ka kena ka seo a se entseng, ho etsetsa motho ntho e itseng, athe e ne e itoketse. Empa Jakobo, moea oa hae 'ohle e le ho fumana tokelo eo ea boholo, 'me taba eo Molimo o e hlomphile e le ea moea ka ho eèna.

⁹⁰ Lemohang, 'me ka mehla e hlohlide oa nama ho hloea oa moea. E hlohlide Kaine ho hloea Abele. E hlohlide Kore ho hloea Moshe. E hlohlide Judase ho hloea Jesu. Le ho tsoella joale le joalo. E chocha oa tlhaho ho hloea oa moea, joaloka ka Kaine ea hloileng Abele tšimolohong, eèna eo Molimo a amohetseng sehlabelo sa hae, 'me o leka ho ba senya.

Ekasita a leka ho senya tšoaetso ea bona. Ba leka ho senya ntho efe le efe, hobane ke mona feela. E qalile ka Kaine 'me e kholisitsoe e ne e le mona, 'me ho sa ntse ho tšoana mohla oa

tlhaho (ea nameng) le oa moea ba kopanang. E a kholisa hore ke Satane, ha ho tsela e 'ngoe, hobane mona o tsoa ho Satane. 'Me e fehla boetsisi ba 'Nete, motho ea lekang ho etsisa ntho eo e seng eona, ha ba hlomamisoa ho e etsa. Re bone taba eo khafetsa e kae matsatsing ana a qetelo! Oh, banna, seshobahali sa eona!

⁹¹ Ka hona re bona Molimo for...ha o fetole mohopolo oa Oona ka mehla ka Lentsoe la Oona la tšimoloho. Empa, eo O 'mitsang, ke eëna eo O mo hlomamisang. Ha ho e mong ea ka tlatsang sebaka seo. Ha ho ea neng a ka tlatsa sebaka sa Moshe. Ho sa tsotelle ho hlahile bo-Kore ba bakae, le bo-Dathane ba bakae; e ne e le Moshe, eo Molimo o nong o mo bitsitse, leha ho le joalo.

⁹² Empa, batho ha ba sa tsamaee ka thato ea Oona e phethehileng, O na le thato e lumeletsoeng eo A tläng ho u lumella ho tsamaea ka eona. Lemohang, O a e lumella, ke hantle, empa O tla e sebelisa ho phethisa khanya ea Oona, thatong ea Oona e phethehileng. Joale haeba le batla joalo...

⁹³ Mohlala, tšimolohong, thato e phethehileng ea Molimo e be e se ho tsoala bana ka bong ba tona-tšali. Che, monghali. Molimo o bopile monna ka lerole la lefatše, oa bululela bophelo ka ho eëna, 'me ea e-ba moea o phelang. Oa ntša ho monna eo molekane, oa mo etsetsa mosali. Ke eona thato ea Molimo ea pele le ea tšimoloho. Empa mohla sebe se ne se kena se etsa seo se se entseng, eaba O lumella monna ho nyala mosali, ka molao, le ho etsa bana ka eëna. "Ngatafalang le tlale lefatše, ke hona, haeba le batla ho e sebetsa joalo." Empa, lea bona, e ne e se thato ea Oona e phethehileng.

⁹⁴ Ka baka eo, lintho tsena tsohle tse nang le tšimoloho li tlameha ho ba le qetello. Sebe sohle se tlameha ho timeletsoa. Sebe sohle se tlameha ho felisoa. Ka baka leo, Mileminamong o moholo mohla tsoho e fihlang, re ke ke ra tlameha ho tsoaloa bocha ke bontata rōna le bommè, empa Molimo joalokaha O entse tšimolohong o tla bitsa motho leroleng la lefatše, le molekane oa hae 'moho le eëna. Ke hantle. O e sebelitse joalo tšimolohong.

⁹⁵ Ka baka leo, Molimo ha o fetole mohopolo oa Oona tabeng efe le ka mohla, empa O tla u lumella ho tsoelapele. Joale, ke potoloha hole ho fihla moo ke batlang ka sena. Empa, 'me, empa, eona, u tla... Ke batla hore le e utloisise. Lea bona? Molimo o tla u lumella ho etsa ntho, esita le ho u hlohonolofatsa ka ho e etsa, empa e sa ntse e se thato ea Oona e phethehileng.

⁹⁶ Molimo o lumeletse Iseraele ho nka molao, ho Exoda khaolo ea 19. Athe mohau o se o ba hlahiselitse moporofeta, Topallo ea Mollo, konyana ea sehlabelo, matla a lokollang, ba mpa ba tsetselela Molao. E ne e se thato ea Molimo, feela e sotelitsoe ka hobane motho a e batlile. 'Me eaba o rohakoa ke 'ona molao oo a o batlileng.

⁹⁷ Ho molemo ho fumana thato ea Molimo. Ke seo A re rutileng sona. "Thato ea Hao e etsoe. 'Muso oa Hao o tle. Thato ea Hao e etsoe." Re tšoanelo ho ikokobeletsa thato ea Oona le Lentsoe la Oona. Le se ke la Le belaela. Le lumeleng. Le se leke ho fumana tsela e Le koekoetlang. Le Le nke kamoo Le leng kateng feela.

Ba bangata ba batla ho koekoetla, ho fumana tsela e 'ngoe. 'Me ha u etsa joalo, u iphihlela u tsoelapele, u iphihlela Molimo a u hlohonolofatsa, empa u sebetsa ka thato ea Oona ea tumello 'me e seng ka thato ea Oona e phethehileng, thato e Khethethileng.

⁹⁸ O a e lumella, joaloka ha ke boletse, empa A ke ke—A ke ke a lumella thato ea Hae e phethehileng; empa O tla e sebelisa ho tlotsila le ho hlohonolofatsa thato ea Hae e phethehileng. 'Me ho tsoala bana, ka bong ba tona-tšali, ke e 'ngoe ea tsona.

⁹⁹ Joale lemohang, Moabe, le ho qaleng, e ne e le sechaba sa bonyatsi. Se qalile, ka bonyatsi, koana e le ka—ka ntate oa molumeli le ka morali oa molumeli.

Hantle feela, haeba u ka e bapisa 'me oa sebelisa kelello ea moea, u ka bona mokhatlo oo oa bolumeli o eme mono o hlakile joalo ka ntho efe. Ehlide. Lea bona, ntho eohle e fosahetse ka botlalo. 'Me, le shebe, ha e tlisoa, e simolloa joalo, le ka mohla e ke . . . E lula feela, ho joaloka bolo ea lehloa, e thettheha joalo le joalo le joalo e ipopa ho feta. Ha u fanya hang, 'me u qala ka phoso eo, u lula u thetha ntho e 'ngoe ka mora e 'ngoe, le e 'ngoe joalo ka mora e 'ngoe, ntho eohle ka mora e 'ngoe.

¹⁰⁰ Le kereke e qalile joalo. E qalile ka ho tšoana Nicaea, Roma, mohla kereke ea Roma e Katolike . . . Hona tšimolohong, moo e kopotsang teng, e ne e le Pentekosta. Empa mohla ba hlophisan 'me ba sotetsa batlotlehi, ka har'a kereke, ba qala ba bopa, ba rala lithapelo, ba folla lifahla, le—le ho rapella bafu, le lintho tse ling tsena tsople. 'Me ea qala e thettheha, ho qala phosong e 'ngoe ho isa ho e 'ngoe, phosong e 'ngoe ho isa ho e 'ngoe, ho fihlela le iponela moo e honyeletseng teng. Ha ho sa fumanoa le bohashana bo le bong ba pentekosta, ho hang. Lea bona? Phoso e 'ngoe e hohela e 'ngoe, e hohela e 'ngoe. Ho ka etsoa ntho e le 'ngoe to, hono, ke ho hlakola letlapa le ho khutlela tšimolohong.

¹⁰¹ Mohla, Martin Luther a qalang ka tokafatso. Taba ena e tlameha ho ba kereke ea Luthere, e hatetseng pele. Lea bona? Haeba . . . Luther, mohla a hlophisan, o sitiloe ho nka khalaletso ea Wesley, hobane o ne a hlophisitsoe; 'me banna ha ba khona ho e emela, eaba Moea o tsoa ho eona.

¹⁰² Joale, sehlopha sa Lota mona; kapa, Moabe e ne e le ngoana oa morali oa Lota, oa bonyatsi le ho qaleng. Joale lemohang, kamoo kereke ea tlhaho, Moabe, a bapisang bolumeli ba tlhaho kateng.

Iseraele o bapisa Kereke ea moea. Iseraele, ho be ho le kereke ea 'nete, eona e le monyaluoa oa letsatsi, e bitsitsoe Egepeta, e nètefalitsoe e le 'nete.

¹⁰³ Lemohang mohla bao, ba babeli ba ile ba kopana. Ba babeli ba hlahisitse sehlabelo se tšoanang, ba babeli ba ahile, ba bone lialetare tse supileng, ba babeli ba nyehetse sehlabelo se hloekileng, poho. 'Me ba nyehetse lipheleu, tse pakang ka ho tla ha Messia. Ka motheo, ba ne ba tšoana bobeli. Iseraele, tlase mona phuleng; Moabe, holim'a leralleng. 'Me Moabe ka lialetare tse supileng; Iseraele ka lialetare tse supileng. Moabe ka lipoho tse supileng; Iseraele ka lipoho tse supileng. Moabe ka lipheleu tse supileng, tse lekanyang ho tla ha Messia; Iseraele ka lepheleu tse supileng.

Phapang ea bona e ne e le efe? Ho latela motheo, bobeli bo nèpile. Empa, lea bona, Moabe o hlokile nètefatso ea Molimo har'a bona; bao e le sechaba feela, sehlophsa sa batlotlehi. Empa Iseraele a fuae moporofeta har'a bona. Ba filoe Lefika le teiloeng. Ba filoe Topallo ea Mollo. Ba filoe noha ea borase, ea pholiso. Mahlohonolo a Molimo a tsamaea le bona, 'me e le bana ba Molimo ba bitsitsoeng.

¹⁰⁴ Joale taba eo re e fumana e bapisitsoe ka phetheho e kakang mona likerekeng tseo tsa kajeno. Ka ho tšoana, Moabe o ne a se joalo. Ka hona Iseraele e ne e le mojaki, ho tloha sebakeng ho ea sebakeng; hohle moo Topallo eo ea Mollo e tsamaileng, ba tsamaile le Eona. Ka Moabe, ha ho joalo; ba ne ba setiloe fatše bolumeling ba bona, fatše sechabeng sa bona. Ba sa tsamaee, ba ile ba lula hantle mono. Ba tšoere batlotlehi ba bona. Ba hlomamisa lintho ka ho rata ha bona, 'me ba tšoere bahale ba bona, ba tšoere liloani tsa bona, ba tšoere morena oa bona, ba fuoa litaelo ho tsoa teng, le joalo.

¹⁰⁵ Empa Moabe o bone Iseraele a tšoere se ba haellang. Ba bone matla a maholo har'a Iseraele, 'me 'ona e le moporofeta. 'Me moporofeta eo e le Moshe. 'Me ba tsebile hoba ha ntoa e ba imela, ba phahamisitse matsoho a hae 'me ba a khokhothele holimo mono, 'me ntoa e ne e fetoha. Ka hona ba hlokile ntho e kang eo, ka hona ba leka ho e itekanya le eona ka lipolotiki, ka khulo ea sepolotiki. Eaba ba romela naheng e 'ngoe ba thapa moporofeta ho tla ka koano, ba tle ba iphumanele moporofeta, 'me ba rue matla har'a bona a kale ka Iseraele har'a eona.

¹⁰⁶ Na le bona boetsisi ba nama? Na le ka bona kereke ea nama kajeno? E entse hona hoo.

¹⁰⁷ Lemohang, joale, bobeli bo tla itholla baporofeta. Phapang e leng teng feela, Moshe, moporofeta oa Molimo, Khosi ea Hae e ne e le Molimo. Ke hona moo a okhileng litaelo tsa hae, Lentsoe la Morena. 'Me Baalame, le eëna, a tšehekitsoe ke khosi, 'me khosi eo e le Balake, khosi ea Moabe, 'me e le hona moo a okhileng litaelo tsa hae le mahlohonolo a hae. Ka hona Moabe o itse ho Balake,

“Theoha,” kapa Baalame, ha thoe, “theoha ‘me u nthohakele batho bana, hoba ba aparetse lefatše lohle. Ha ba fihla ba fula ntho eohle joaloka poho ha e fula joang.” Ha thoe, “Theoha joale. ‘Me ha ke utloisia u bokhoni ho rohaka, u bokhoni ho hlohonolofatsa, sohle seo u se etsang se eloa hloko.”

¹⁰⁸ Joale, re batla ho lemoha hoba monna enoa e be e le moporofeta ea hlomiloeng ke Molimo, empa o rekile ka boholo ba hae mabakeng a lipolotiki. Kamoo le eona kereke e entseng kajeno, joaloka Luther, Wesley, Pentekosta, le sehlopha sohle sa bona, ba bo rekitse ka khulo ea mokhatlo oa bona. Moshe, tlas'a Molimo; Baalame, tlas'a Balake. Athe, ba porofeta ba babeli bao e be e le monna oa Molimo ea bitsitsoeng, ‘me bobeli e le batho ba moea. Le lemohe phapang. E mong le e mong a okametsoe ke hlooho; ea Moshe e le Molimo; ea Baalame e le Balake.

¹⁰⁹ Mona le lemohe papiso ea moea, e kholisang hore ntho ea tlhaho e fosahetse. Moshe, ea romiloeng ke Molimo, temeng ea kutlo, o a kahlana o qholotsoa ke moporofeta e mong oa Molimo. Na le ka e nahana! Moshe, ea bitsitsoeng ke Molimo, a hlomiloe ke Molimo, ea emeng temeng ea kutlo ea Molimo; o nyoloha akekella sehlopha se batang sena, se tsepameng, eaba o qholotsoa ke moporofeta e mong oa Molimo, seo Molimo o beng o se hlohonolofalitse ‘me o se hlomamisitse. U khetholla phapang joang? Ba ruile baporofeta bobeli. Molimo o buisane le baporofeta ba babeli.

¹¹⁰ ‘Me ba bang ba bona ba re, “Molimo o buile, ‘Etsa sena.’ Molimo o buile, ‘Etsa sane.’” Joale, ha ke e belaele, empa e tsoile tseleng ea Lentsoe la Molimo. Moporofeta, ho sa tsotelehe le haeba e le moporofeta, o tsoile tseleng. Batho ba bangata ba thetsoa joalo. “Oh, moena *enoa* o khona ho etsa *sena*, ‘me moena *enoa* o khona ho etsa *sane*,” ‘me a ntano hanetsa Lentsoe?

¹¹¹ “Leha nka bua ka lipuo tsa batho le tsa mangeloi, leha nka fuoa lineo, nka suthisa lithaba, leha nka nehela matlotlo a ka ohle ho fepa bafumanehi, ha ke letho.”

“Ba bangata ba tla tla ho ‘Na ka letsatsi leo, ‘me ba re, ‘Morena, Morena, na ha Kea porofeta ka Lebitso la Hao? Na ha kea khona, ka Lebitso la Hao, ke lelekile batemona ka etsa mesebetsi e meholo?’ ‘Me Ke tla re ho bona, ‘Tlohang, lōna... Tlohang ho ‘Na, lōna ba sebetsang bokhopo. Ha Kea ka ka le tseba.’” Koana, ba tlide ka bopaki ba hobane ba entse sena, empa Jesu o itse, “E ne e le ba sebetsang bokhopo.” Bokhopo ke’ng? Ke seo u tsebang u tlamehile ho se etsa, e le ntho e lokileng ho etsoa, empa koana ha u e etse. Na lea bona ho tla ba joang matsatsing a ho getela?

¹¹² Utloang mola ‘ohle! E ne e le morero oa ka bosius bona. Ke itse ke tla tsoa ka hora ea borobong, empa ke tla siuoa ke nako ho feta moo, mohlomong. Shebang, oo e ne e le morero ‘ohle oa ka, ho le bontša mola ona, ka Lentsoe la Molimo, lea bona, hore—

hore Molimo tšoanetse ho boloka Lentsoe la Oona ho lula e le Molimo.

¹¹³ Joale, re lemoha banna ba babeli bana ba moea, e le baporofeta bobeli, ba bitsitsoe ba babeli. 'Me Moshe, hantle temeng ea kutlo, Topallo ea Mollo e ncha e mo eteletse letsatsi ka leng, Moea oa Molimo o lutse holim'a hae, temeng ea kutlo. Eaba mona ho hlaha mohlanka e mong oa Molimo, a bitsitsoe ke Molimo, a hlomamisitsoe ke Molimo, moporofeta eo Lentsoe la Morena le mo tlelang. Mola o kotsi ke ona. Ha ho motho ea ka hanyetsang hoba ke monna oa Molimo—oa Molimo, hoba Bibele e boletse Moea o Molimo o buile le eèna, 'me e ne e le moporofeta. Empa, lea bona, hoba a fuoe karabo ea 'nete ho Molimo, ke ha a sa batle ho E boloka. O sitiloe ho E ela hloko, eaba o tloha a ea phephetsa Moshe.

¹¹⁴ Joale, Baalame o ile a batla thato ea Molimo, ka pelō ea hae eohle. Joale, mohla banna ba baholo bana ba fihlang ba re, "Baalame! Khosi Balake o rometse, ho tla 'mona hang le ho rohaka batho bana ba Iseraele, hobane ba itjalile bophareng bohle ba lefatše, 'me joale ba itlhopholla khahlano le 'na. 'Me ba khethutse 'muso ofe le ofe mathokong, tlas'a bona. 'Me joale re batla u tl'o rohaka batho bana. Hoba, ha ke utloisia mang le mang ea rohakoang ke uena, u rohakiloe." Joale, lea bona, e ne e le monna oa Molimo. "See u se hlohonolofatsang, se hlohonolofetse." E ne e le mohlanka oa Molimo.

¹¹⁵ 'Me Baalame joale a nahana, ka ho ba moporofeta, "Nka etsa ho le hong feela, 'me ke ho batla thato ea Molimo."

¹¹⁶ Ke eona tšoanelo ea moporofeta, haeba a bitsitsoe ho ba moporofeta. Pele, moporofeta o tšoanelo ho etsa'ng? Ke ho batla thato, Lentsoe la Molimo. U tšoanelo ho etsa joalo. Hobane, ka ho ba moporofeta, Lentsoe la Molimo lea mo tlela. Ntho... Ba re, "Be, ha u moithuti oa thutabomolimo." Bibele le ka mohla ha e tlalehe Lentsoe la Molimo le tlela moithuti oa thutabomolimo. Ke bona ba Le lubakanyang. Lentsoe le tlela moporofeta oa Molimo.

¹¹⁷ 'Me mona ho hlaha monna moporofeta oa Molimo. 'Me mohla a na a tholoa, ho hiroa, ho tla ka koano ho rohaka batho ba bang ba Molimo, le lemohe, o tlohile ho ea batla thato ea Molimo. 'Me o ne a batlile ho tseba thato ea Oona e phethehileng, 'me Molimo o mo file thato ea Oona e phethehileng lebakeng lena. Thato ea Oona e phethehileng ea hlahisetsoa eèna. Thato ea Oona e ne e le efe? "U se ke ua ea!" Leo ke Lentsoe la Molimo la ho qala. "U se ke oa tsamaea le bona. U se ke ua leka ua hlasela batho ba Ka, ba tsamaeang ka litsela tsa Ka tse phethehileng."

¹¹⁸ Kamoo ho itšoanelang kajeno, ba batla ho pheha khang, phehisano, le ntho eohle eseles, athe ba bona Moea oa Molimo o sebetsa har'a lõna. 'Me ba ntse leka joalo, ba e lekile ka lilemo, ho E bipetsa. Empa ha ba ntse ba leka ho feta ho E bipetsa,

E ntse e hola ho feta. U ke ke ua rohaka seo Molimo a se hlohonolofalitseng. U ke ke ua khona feela. U ke ke ua khona feela ho e etsa.

¹¹⁹ Ka hona, lea bona, e ne e le batho ba Molimo. Joale, moporofeta eo, leha koana a nyolohetse mono a thapiloe ke khosi, a sebetsa har'a batlotlehi, le joalo. 'Me Lentsoe la Molimo le tlide ho eèna. O batlide thato ea Molimo, eaba thato ea Molimo e boela e mo arabela, le ho re, "U se ke ua rohaka batho bana. Ke ba hlohonolofalitse."

¹²⁰ Joale tlas'a lipakapaka ha ho moithuti oa thutamolimo ea ka hanyetsang Molaetsa ona oo re o rerang, haese ho e tlaleha e le Lentsoe la Molimo hantle nakong ena. Molimo o a e nètefatsa, nthong eohle e builoeng kapa e entsoeng. O Le kholisitse le lokile. Joale, ha ho moithuti oa thutamolimo, ha ho 'mali oa Bibele, ha ho moporofeta, ea ka shebang Lentsoeng leo, haeba e le moporofeta, o tla bona ntho e tšoanang. Empa haeba a sa bone ntho e tšoanang, taba eo e supa phoso e le teng mono. Hobane . . .

¹²¹ U re, "Be, oh, nka e fapanyetsa." Le Balake o khonne, Baalame. Lea bona? Empa Molimo o tsebahalitse Moshe.

'Me pontšo ebole efe? Lentsoe la Molimo. 'Me o utloile qeto e hlakileng, e iphotlileng ea Molimo, "U se ke ua ea. U se leke ua—ua rohaka seo Ke se hlohonolofalitseng. Bao ke batho ba Ka."

Empa lea tseba ke'ng? Ke ha Baalame a sa rate batho bao, le ho qaleng. Oh, ha se le . . . Ke bo-Baalame ba bakae lefatšeng kajeno! Keha a sa rate sehlopha seo, le ho qala feela.

¹²² Joale, hoba a fuoe thato ea Molimo e hlakileng e iphotlileng, "U se ke ua ea." Empa, lea bona, sebakeng sa ho etsa joalo, ea itšoanelia le Kaine, joaloka Kore, a tlala lefufa, 'me o—o ne a batlide joalo, lebaka la ho ea, leha ho le joalo.

¹²³ Lemohang, linternkhööls tsa bolumeli ba hae, hoba a arabele, tsa re, "Lekhale, ha ke kholoe ke tla theoha. Ha ke kholoe ke tla amana le bona ka letho. Nke ke ka phehisana le batho bao, ka ha Molimo o se o mpoleletse e le batho ba Oona, 'me ha ke khone ke tla ea." Hola feela a tiisetra taba eo!

Empa, tlase pelöng, a sa ba rate. Lea bona? E ne e se litho tsa sehlopha sa hae. 'Me ntho efe e sa ikamahanyeng le sehlopha sa hae, "e sa loka, le ho qaleng." Lea bona? 'Me a ba nyemotsa, ho re, "Batho bao ba entse lintho tse ngata tse tšabehang. Ruri Molimo o halalelang o tla rohaka batho ba mokhaloo oo. Bao, ha ba ruteha. Ha ba rupelloa joalo ka röna. Re batho ba hlaketsoeng ho feta. Oh, ba itlaleha ba sebeletsa Molimo, empa, ba shebeng, bao ke'ng? Sehlopha sa eng, khele, mphi ea makhoba, balubaseretse, ba leleketoeng koano ke Baegepeta. Khele, Molimo o ke ke oa amana le mphi e khenathetseng hakaalo!"

¹²⁴ O sitioe ho bona Lefika leo le teiloeng le noha eo ea borase, Topallo eo ea Mollo. O lekile ho ba ahlola ka ntlhakemo ea

temalo. O sitiloe ho bona pits e holingoana ea Molimo. Ka mohau, ka khetho, ba ne ba kene mocheng oo, le ka Lentsoe la Molimo. 'Me mohla a batlileng ho ba rohaka, Molimo o itse, "U se ke ua etsa joalo. Ke ba Ka. Ba tlohele. U se ke ua ba ama."

¹²⁵ Joale, eaba monna o a retoloha, a khutla. Joale le shebe lintlukhōlō tsa bolumeli ba hae, leha koana, mohla a khutlileng. Ba rometse sehlopha se seriti ho feta. Khetlong lena mohlomong ho akha kahare, sebakeng sa monna oa tloelo feela, e ka ba khetlong lena ho tlile lingaka tsa khalalelo. Mohlomong ho aka le libishopo, kapa baokameli ba selika, tsohle tseo . . . A romela e—e—ehlopha se ntlafetseng, le e—e ehlopha sa seriti se boima ho feta, motho ea hlohliloeng thuto e holingoana 'me a ka mo utullela lenaneo leo ka makhethe, a khona ho e ralla mabaka ka bokheleke.

¹²⁶ Lea bona, ke seo Kaine a se entseng; o behile mabaka. Ke seo Kore a se entseng; o ralile mabaka. Ha se ka ea behang mabaka.

"Re lahlela mabaka kathoko." Re lumela Molimo, ho sa tsottelehe seo ntho efe e se buang. Re lumela Molimo. Ha re behele seo Molimo o se buang mabaka. U ke ke ua E behela mabaka. U tlameha ho E amohela ka tumelo. 'Me ntho efe eo u e tsebang, ha u sa tlameha ho e ralla mabaka. Ha ke tsebe mokhoa oa Oona oa ho e sebetsa; ke mpa ke lumela hoba O a e etsa. Ha ke tsebe kamoo A tlang ho boloka tsepiso eo; empa O boletse A tla e phethisa. Kea e lumela. Ke e amohela holim'a motheo oa hore ke e lumela e le Lentsoe la Molimo.

U re, "Be, u ke ke ua phomella ka eona." Ha ke tsebe kamoo ke tlang ho phomella ka eona, empa O itse, "E bue."

Ke hopola molisa oa ka oa Baptise ea mpoleletseng, ha thoe, "Khele, Billy, u tla rerela litšiea tsa kereke. Khele, u nahana motho a ka mamela ntho e kang eo?"

Ka re, "Molimo o itsalo."

"Ebe u tla khona joang, ka thuto ea garata ea bosupa, ho rapella likhosi, le ho rera lefatše ka bophara?"

¹²⁷ Ka re, "Ha ke tsebe ke tla khona joang, empa, O itsalo, 'me hoo ho hlile ho ntekane." Lea bona? "O itsalo. Ha ke tsebe kamoo e tlang ho etsoa."

O itse, "U nahana hore batho lefatšeng le leholo lena la borutehi, leo u tla ema kahlano le lona, mabapi le temana ea pholiso ea Khalalelo le joalo, u nahana ba tla e lumela?"

¹²⁸ Ka re, "Ha kea tlameha ho tseba hore ba tla E lumela kapa che." Ka re, "Tšoanelo ea ka ke ho E rera. Ke seo A ntaetseng sona. O itse O tla ba le 'na, 'me O mpoleletse seo e tlang ho se etsa."

'Me e entse hantle seo A se boletseng e tla se etsa. "Pele, u tšoare matsoho a bona; hape u tla tseba le sephiri sa pelō ea bona." 'Me ke le boleletse ka eona, 'me e etsahetse joalo. O e

sebetsa joang? Le joale ha ke tsebe kamoo e sebetsang. Ha se mosebetsi oa ka ho tseba kamoo e etsoang kateng; e etsoa feela.

¹²⁹ Ke mang ea ka hhalosang mohla Molimo a bolellang Elia, “Nyolohela teng u lule thabeng, Ke tla u fepa. Ke se ke laetse e—e makhoaba ho u fepa”? Lekhoaba le ka khona joang ho tšoara selei sa bohobe le sengoathoana sa—sengoahana sa hlapi, e halikiloeng, la e tlisetsa moporofeta? E hole haholo le ’na ho e hhalosa. Ha ke kholoe le lóna le ka khona, kapa ha ho motho ea ka khonang. Empa O e entse. Ke phetho se neng se le bohlokoa. O e entse, ’me ke ’nete ea eona.

Hore O e entse joang, ha ke tsebe; ha se mosebetsi oa ka. Empa O e entse. Hore O entse lefatše joang, ha ke tsebe; empa O le entse. Hore O rometse Mora oa Hae joang, ha ke tsebe; empa O e entse. Hore O tsohile bafung joang, ha ke tsebe; empa O e entse. Ebe O mpholositse joang? Ha ke tsebe; empa O e entse. Ke hantle. Ebe O u pholositse joang? Nke ke ka u bolella; empa O e entse. Ebe O mpholositse joang? Ha ke tsebe; empa O e entse. O tšepisitse A tla e etsa, ’me O boloka Lentsoe la Hae.

Joale, Baalame o tlamehile a be a e tsebile, athe o tsebile hantle ho feta moo.

¹³⁰ Lemohang, sehlopha sena se seriti, se betetšana, se tlide, ’me molemo ke ofe? Keha ba tšoere limpho tse molengoana. ’Me ha se ho fela, ba ka mo lefa bokhoothokhoto ba chelete, ’me ba ka khona, ba mo fa maemo a holingoana. “Joale, sebakeng sa moreri oa tloaelo mokhatlong, re tla u nyollela ho mosupritente oa lebatooa. Ua bona? Hoo, re tla—re tla u etsetsa ntho e itseng ha u ka leleka sehlopha seo batho mona, ua bona, le ho emisa ntho eo.” Oh, ba mo tšepisa maemo a holingoana. Ho re, “Ha u ka hlohonolofatsa ho feta . . .” Ho re, “U a tseba, nka u phahamisa mosebetsing.” Shebang moo a fumanang mantsoe a hae teng, hlooho ea sechaba.

¹³¹ Moshe o ne a fumana Mantsoe a hae kae? Khosi ea Leholimō. Le leng e le Lentsoe la tšepiso ea Molimo, “Ke tla le isa lefatšeng la pallo, ’me ha ho motho ea ema pel’ a hao. Ke tla u etella pele ka bobi ho ba leleka, ho qala ho le letona ho isa ho le letšehali. ’Me u tla hapa lefatše. Ke prom—. . . Ke se ke le neile lona. Tsoelapele, u le hape, ou le rue; ke la hao.” ’Me joale, lea bona, ke Eèna eo Moshe a mo mametseng. ’Me monna enoa a mamela ho fihlela pelō ea hae e tlala mona, a tloha ho ea ikopanya le hlooho ea kereke ea hae. Lea bona?

¹³² Lemohang, maemo a holingoana. O itse, “Ua tseba nka u phahamisa mosebetsing? Ke tla u phahamisetsa maemong a molengoana. Ke tla u etsetsa tse ngata. Ke tla u nyollela meputso. Ke tla u lefa moputso o molengoana.” ’Me hoba a mo behele sena sohle, sa mo foufatsa.

¹³³ Bo-Baalame ba bakae lefatšeng kajeno, bao, ho fuoa maemo a molengoana, kereke e molengoana, ho tšepisoa ho hong!

Ha mahlo a motho a tutubolloa Lentsoeng le mesebetsing ea Molimo... 'Me monna ea molemo eo, ea seriti, u tla qala e le mohlanka ea Molimo, 'me o tšoere phutheho e lokileng. Ka mora nakoana, kolobetso ea Moea o Halalelang e beheloa eēna; o hlahisetsoa kolobetso ea Lebitso la Jesu, e leng Lengolo le 'ona feela mokhoa oa Mangolo ho kolobetsa. 'Me ha e hlahisoa ho eēna, 'me bolumeli ba mokhatlo bo tseba bo tla lahleheloa ke eēna ha a qala ntho eo, ba mo nyehela maemo a molengoana le ho fetola kereke. Lea bona, Baalame oa khale, hape, hantle feela joaloka tšimolohong.

¹³⁴ Joale, monna eo ea balang Bibebe eo, a ke ke a E bala a sa bone hore seo ke 'Nete. Ha ho motho ea kileng a kolobetsa a sebelisa litlotla tsa "Ntate, Mora, Moea o Halalelang." Ke tumeloana ea Katolike 'me ha se Thuto ea Bibebe. Ha ho motho ka Bibeleng ea kileng a kolobetsoa, kapa lilemong tse makholo a mararō ka mora lefu la moapostola oa ho qetela, haese ba kolobelitsoeng ka Lebitso la Jesu Kreste. Kereke ea Katolike ke eona e qalileng taba eo, 'me ba bangata ba tlie ho eēna. 'Me moreri ofe ea lutseng setading sa hae 'me a tla e sheba, o tseba hobane ke 'Nete. Empa, ka baka la botumo, ho baballa boemo ba hae, ho nkeloa holimo har'a batho, o a tenyetseha.

"Be," u re, "Molimo o a mo hlohonolofatsa."

¹³⁵ Ruri. Ba bang ba bona ba tšoere neo ea pholiso, ba bang ba tšoara matšolo a maholo. 'Me e hafeloa hantle sefahlehong sa bona, 'me ba fumana karabo e tsoang Lentsoeng la Molimo e tšoana le eo uena kapa monna ofe a ka e fumanang. Molimo ha o fetoh. Le bona seo ke se bolelang?

¹³⁶ Baalame, bakeng sa maemo a molengoana, o ile a nahana. Joale shebang, eitse ha sehlopha se betere seo se khutla, tokelo eo... Baalame, mona, o qotsitse theroy ea thetso. Lea bona? O itse... E—e eaba ho khutla sehlopha se molengoana, o—o tlamehile a be a boletse, "Tsoang ka pel'a ka! Ke le boleletse Lentsoe la Molimo. Tlohang mona! Ena ke HO RIALO MORENA." Empa, lea bona, lineo, le ho fetoha monna ea tummeng ho feta!

¹³⁷ Oh, kamoo ba ratang ho e etsa! "Re tla u romela lefatšeng lohle. Re tla u hlophisetsa sefofane se ikhethileng. Re tla tšehtesa likopano tsa hao hohle haeba feela u ka..." Oh, che. Uh-huh. Lea bona?

Re tseba seo Lentsoe le se buang. Re tseba seo Molimo a se buileng. Re tla se tiisetsa, ka thuso ea Molimo. Lea bona? Ho sa tsottelehe tšepiso efe, le hore u ka lefa haholo hakae, le bokae ba sena, sane, kapa se seng seo u ka—u ka se hlahisang; re batla HO RIALO MORENA, le seo A se buileng *Mona* pele.

"Be, kereke e buile, 'Taba eo e maemong a mabeli.'"

Re batla seo Molimo a se buileng tšimolohong. " 'Me ntho efe e eketsoang ho Lona kapa se tlosoang ho Lona, esita le lebitso

la hao le tla hlakoloa Bukeng ea Bophelo; ho eketsa ho Lona, kapa ho tlosa Lentsoe ho Lona.” Re batla seo A se buileng; e seng seo kereke e se buileng, seo Ngaka Jones a se buileng, seo motho mang a se buileng. Re batla seo HO RIALO MORENA e se buileng, seo Lentsoe le se buileng.

¹³⁸ Empa joale re fumana Baalame, mohlanka oa Molimo. ‘Me banna ba bangata ba joalo ba qala, ’me ba hlomisitsoe ke Moimo, ’me ba bolela Lentsoe la Molimo linthong tse ngata; empa lebakeng la ho bolela ’Nete e tletseng, ha ba e etse joalo.

¹³⁹ Lemohang mona, joaloka moporofeta oa Molimo, a sa tšoanelo ho ithara le sehlopha se joalo, le ho qaleng. A sa tlameha ho nkana le bona. Empa, le shebe, ka baka la botumo, lea bona, ka ho khekhethoa ke letsoalo la hae, o itse, “Be, lebalisa bosiu bohle, ’me ke tla boela ke leka.” Lea bona, “Ke tla leka hape”? Hore’ng u batla ho leka hape?

¹⁴⁰ Molimo o se a ‘moleletse seo a tlamehang ho se bua. Molimo o itse, “Ba boelle u ke ke ua ea.” Leo ke Lentsoe la Hae la tšimoloho. “Ha ke tsamaee. “Me u se ke ua ea. U se ke ua rohaka seo Ke se hlohonolofalitseng.” Joale le shebe kamoo e ileng ea mo hloenyetsa kateng, ka mora nakoana. Lea bona? ’Me e tla etsa joalo, nako le nako. Molimo ha o bolela taba, O ttitle ka eona. Ha o fetole mohopoloo oa Oona ka eona. O tsepama le Lentsoe la Hae hantle. Ho sa tsotelehe seo mang a se buang, O tsepama le Lentsoe leo hantle.

¹⁴¹ Joale, Baalame o tlamehile a be a tsebile hantle ho feta. O tlamehile a be a ikhutse mokhatlong oa mofuta oo. Empa limpho tseo tsohle tse hlabsang le tsepiso ea khosi, ho itsoe, “U tseba nka etsa joalo. Ke mobishopo. Nka etsa sohle feela seo ke se batlang, ’me ke tla u nyolla ha u ka tla nketsetsa eona.”

‘Me Molimo o se a ‘moleletse, “U se ke ua etsa joalo.”

¹⁴² Empa koana Baalame o itse, “Uena, ak’o lebalise bosiu, ’me ke tla—ke tla boela ke leka.”

Lea bona, o ne a fuoe Lentsoe. Ha u sa tlameha ho pheha khang ka Lona hape. Molimo o se a boletse. Ka sehlopha se joalo se teetseng hare, ka mehla ba u menamena ba u ntša thatong ea Molimo, haeba u ka ba lumella.

¹⁴³ Sehlopha se seng se kile sa itlhahisa ho moporofeta, ka mohla o mong, ea bitsoang Jobo. Ha ba khona ho mo menamena ka puo. O ne a bone pono. A tseba se neng se lokile.

Baalame o bone pono, o sa ntse a sa batle ho Le tiisetza.

¹⁴⁴ Ho sa tsotelehe na lihlopha tsa hae li buile hakae ho re, “Oh, Jobo, u tlameha ho etsa *sena*, u tlameha ho etsa *sane*.” Esita le mohats’ae, o itse, “U bua joaloka motho ea sethoto.” Lea bona? “Ke tseba seo Morena a se buileng. Ke tseba seo A se batlileng, ’me ke seo ke se entseng.” Lea bona, a tsepama le seo Molimo a ‘moleletseng sona.

¹⁴⁵ Lemohang, Baalame o sebelisa thero ena ea mafosisa bakeng sa letsoalo la hae. Lea bona? O itse, “Be, ke tla—ke tla fumana. Ke tla boela ke leka.” Joale, mono u kena, maemong a bobeli. Re fumana bo-Baalame ba bakae bosiung bona, ba ratang ho sebelisa thero eo ea mafosisa ea Mattheu 28:19 hobane ba khakhathoa letsoalo? Ke ba bakae ba batlang ho sebelisa Malakia 4 bakeng sa letsoalo la bona? Ke ba bakae ba batlang ho sebelisa Luka 17:30 bakeng sa letsoalo la bona feela? Ke ba bakae ba batlang ho sebelisa lintho tsena, koana, “Be, kea u bolella, kea—kea kholoa ba lubakane kahohle tabeng Eo”?

¹⁴⁶ ‘Me mona Baalame o ne a leka ho re, “Ekaba Molimo o batla a ferekane. Ke tla leka hape, ua bona, ho bona seo A se buileng.” Joale, O tseba pelō ea hao. Lemohang, Baalame o sebelisitse thero ea hae ea mafosisa ka baka la letsoalo la hae ka sebele, hobane, ka tšoanelo, o ne a batlile chelete eo. O ne a batlile botlotlehi boo. O ne a batlile hoo. O ne a batlile mosebetsi oo. O ne a batlile maemo ao, ho ’nkuoa, joaloka Ngaka *Sekete-kete*. Eaba o—o—o re, “Ke tla leka hape.”

¹⁴⁷ Oh, lōna bo-Baalame ba lefatšeng bosiung bona, ba tsepisitsoeng maemo, botumo! Khele, oh, banna! Ba holofatsa letsoalo la bona ka tsona. Ka baka la malumeli a bona, ba re, “Ha u etsa seo, u tlameha ho tsamaea. Kea u tseba u le monna ea lokileng, ‘me rea u rata,’ ‘me koana ke monna ea lokileng, ‘rea u rata. Empa u ke ke ua rera seo. Thuto ea rōna—ea rōna ha e u lumelle ho etsa seo. Ngaka *Sekete-kete* o itse e ka mokhoa ona. Joale u tlameha ho e lumela ka tsela ena, haeba u le har’ a rōna. Joale, haeba u batla joalo, ke u tsebile u phetse ka thata, be, ke tla hlakomela hore u nyolloe mosebetsing, mohlomong ho fetola likereke.” Oh, uena Baalame! Holim’ a u tseba thato ea Molimo, e etse! Molimo o ke ke oa fetola mohopolo oa Oona. Che.

¹⁴⁸ Ntho eo a ka e fetang mohoalotso, ‘Nete, bakeng sa thomo ea hae. O itse, “Be, ke tla—ke tla boela ke leka.” Lemohang bo-Baalame ba leng teng.

¹⁴⁹ Ka hona le hopole joale, mohla a fihlang bosiung ba bobeli, ‘moho le batlotlehi ba baholo bana, keha letsoalo la hae le se le le nthithi le shoele bohatsu, Molimo oa mo lumella ho ea. Joale, Molimo ha o e-so fetole mohopolo oa Oona, empa O fane ka thato ea tumello ea Oona. “Tsoelapele he hona.” Empa a e fihlela e ke ke ea sebetsa.

¹⁵⁰ Molimo o tsebile se pelōng ea Baalame. Leha koana e ne e le moporofeta, O tsebile hobane o hloile bahalaleli-bathethethi bao, ‘me o—‘me a mpa feela . . . a—a tla batla ho ba rohaka, leha ho le joalo. ‘Me Molimo o mo laetse ho se etse joalo, empa koana o tlide, a batla ho e etsa, hape, eaba Molimo o mo lesa ho tsoelapele. Molimo o itse, “Tsoelapele.” Joale, le hopole, ha O a ka oa fetola mohopolo oa Oona.

¹⁵¹ Lemohang, takatso ea hae e ne e le ho ba rohaka. Batho bao a ba hlopholotseng e le mahlanya, a batlile ho ba rohaka. O ne a batlile maemo. A sa a sa batle ho kena-kenana le bona, eaba o nahana hore haeba a ka etsetsa khosi khatonyana ena, o tla phahamisoa. Molimo ha o e-so fetole mohopolo oa Oona kapa Lentsoe la Oona.

Empa O tla u fa takatso ea pelō ea hae, ea pelō ea hao. O e tsepisitse. Na le tseba seo? O tsepisitse ho u fa takatso ea pelō ea hao. Le ho lumella takatso ea pelō ea hao ho ba Lentsoe la Molimo. Ho lumella takatso ea hao ho ba thato ea Hae, e seng thato ea hao ka sebele. Thato ea Hae! Haeba A... U Mo kopa ntho, A sa u fe eona, e re, “Kea U leboha, Morena. U tseba se molemo.”

¹⁵² Shebang esita le Khosi Osiase, mohla A romileng moporofeta eo holimo mane ho eëna, Molimo o khonne, ‘me ho itsoe, “Hlèka ntlu ea hao. U tlil’o shoaa.”

Osiase a reteletsa sefahleho sa hae nqa lebota a lla habohloko, le ho re, “Morena Molimo, ke—ke U kopa ho nkhopola. Ke tsamaile pel’ a Hao ka pelo e phethahetseng. Ke batla U ntumelle ho phela lilemo tse leshome le metso e mehlano.”

¹⁵³ “Ho lokile.” Molimo o buile le moporofeta, ua re, “Khutla u ‘molelle hoba Ke mo utloile.”

‘Me u entse’ng? O lihetse sekhobo holim’ a sechaba sohle. O tukisitse khalefo ea Molimo ho fihlela A batlile ho ’molaea. Ke hantle. Le tseba seo. O ile a ngala Molimo. Ho ka be ho bile molemo, ho feta, sechaba, khosi, le bohole, holane a tsoelapele ‘me a inkela ntho ea Molimo ea pele.

Empa e bonahetse e thatafalla moporofeta, mohla moporofeta a neng a tlameha ho khutla ‘me a ‘molella Lentsoe la Molimo, ka mora hoba a ‘molelle. Empa Molimo o itse, “Tsoelapele.” Empa, ua bona, taba eo e lihetse sekhobo.

¹⁵⁴ Baalame o entse’ng? Hoba a tsebe thato ea Molimo, koana a phehella, a tla e etsa, leha ho le joalo. ‘Me e entse’ng? Lemohang. Ha O fetole mohopolo oa Oona le ka mohla. O tsebile se neng se lutse pelöng ea hae.

¹⁵⁵ Lea tseba, Thomase, mohla a batlang a sa lumele. Che, o—o itse, “Lekhale, nke ke ka e lumela. Ha nka kenya letsoho la ka lehlakoreng la Hae, ka le sunya lithakhiseng tsa letsoho la Hae, be, ke hona, ke hona nka—nka e lumelang.”

O itse, “Tloo koano, Thomase. Ua bona? Joale u ka sunya matsoho a hao mona.”

Joale, oh, Thomase o itse joale, “Ke Morena oa ka le Molimo oa ka.”

¹⁵⁶ Ho re, “E, u bone, ‘me joale u a e lumela. O mokakang moputso oa bao, ba lumelang leha ba sa ka ba bona!”

Batho ka linako tse ling ha ba batle ho amohela Moea o Halalelang ba sa bue ka lipuo. Ke lumela ho bua ka lipuo, ruri. Ke Molimo o lokileng; O tla u fa takatso ea pelō ea hao. Empa ho sa tsotolehe u bua ka lipuo hakae, ha u hana Lentsoe lena, u phoso leha ho le joalo. Lea bona? Lea bona, ha u kene ka ho bua ka lipuo. U kena ka ho boloka Lentsoe le leng le le leng. Ke bona bopaki ba Moea o Halalelang, ha u lumela Lentsoe la Molimo. Lea bona?

¹⁵⁷ Ke lumela ho bua ka lipuo. Ke lumela hore u ka phelisoa, joaloka ha ke boletse hoseng hona, ho fihlela u bua ka leleme le lecha. Ke entse joalo, ka bonna, 'me kea tseba ke 'Nete. Kea tseba e lokile. Empa eo ha se pontšo, uena, hore u ngoana oa Molimo ea khethiloeng. Lea bona? Che, le ho leka. Ha a e-so re . . .

"Ba bangata ba tla tla ho 'Na ba re, 'Morena, na ha ea porofeta 'me ka etsa lintho tse khōlō tsena ka Lebitso la Hao?' O tla re, 'Tlohang ho 'Na, lōna ba sebetsang bokhobo, ha Kea ka ka le tseba le mehla.'"

¹⁵⁸ U bua ka lipuo u ntano hana ho kolobetsoa ka Lebitso la Jesu Kreste? Phoso e teng nqa e 'ngoe. E, ehlide; ntho efe ea tseo, litaelo life tseo Molimo a li laetseng. Phoso e teng. Batlisisa letsoalo la hao, 'me u bone—bone seo Bibebe e se buileng. Mpontše tulo e le 'ngoe moo motho a kileng a kolobetsoa ka lebitso la "Ntate, Mora, Moea o Halalelang." Lea bona? Ha e fumanoe. Empa, lea bona, ka linako tse ling ka baka la ho khetletloa ke letsoalo la hao, u re, "Be . . ."

U re, "Molimo o bua ka tšoanelo ea boitšoaro ba basali, ba se ke ba tena dishotso le lintho, empa, lea tseba, molisa o itse . . ." Ebe ba ikhethela tsela e bonolo.

¹⁵⁹ Ba tseba seo Molimo o se buileng ka eona Mona. Lea bona? Ehlide, Molimo o boletse joalo.

Ka hona bao—bao—bao ba batla ho e etsa, leha ho le joalo, lea bona. Ba leka ho etsa boitatolo. "Be, ke nahana ho le molemo ho feta. Ha se—ha se eona . . . Moea ha o pheule . . ." Yaa.

Empa Molimo o laetse monna ho apara a fapane le mosali. "Mosali ea aparang seaparo sa monna, e ne e le manyala mahlong a Hae." Ka baka leo ha e a loka, e, 'me ha u a tšoanelo. Che. Lea bona? Ka baka leo, ka hona, e phoso.

¹⁶⁰ Empa, lea bona, ba leka ho fumana boitatolo, ho thoe, "Morena o ntaetse ho etsa sena." Ha ke re ha A rialo, empa, sheba, ha se thato ea Oona e phethehileng. E tlamehile e be e le thato ea tumello ea Oona. Le bona seo e tlang ho se etsa? E til'o silafatsa sehlopha sohle. E silafalitse liahelo tsohle.

¹⁶¹ Lemohang mona, Molimo ha o e-so fetole mohopolo oa Oona le mehla, Lentsoe la Oona. Empa Ke Molimo o lokileng, 'me O tla u fa takatso ea pelō ea hao, leha koana e le khahlano le thato ea Hae. Na le lumela seo?

Shebang, Molimo o boleletse Moshe, “Theohela teng,” moporofeta enoa ea tlotsitsoeng. Ha thoe, “Theohela mono u bue le lefika leo.” Le kile la otloa.

¹⁶² Moshe a theohela mono ka mabifi a hae, a phahamisa lere, a re, “Bahanyetsi ting, re le khelle metsi lefikeng lee?” a otla lefika. Metsi a hanne ho tsoa. A boela a le otla; a tsoa. E ne e le khahlano le thato ea Molimo. E robile leano le leng le le leng ka Bibeleng; Kreste a tlameha ho otloa khelo la bobeli. Lea bona? Kreste o otluoetsoeng. E baba, hamorao, o re, “Ua bona, re le khelletse metsi. Yaa, ke le tliselitse ona, sekhakhatha ting sa bahanyetsi!”

¹⁶³ Molimo o itse, “Tloo mona, Moshe. Tloo mona. Nyolohela holimo mona qhooeng... U bile mohlanka ea tsepehang.” (Joaloka mosali oa lirethe tse telele, “U hloele,” lea bona.) “Sheba koana. Na u bona lefatše la pallo?”

“Oho Morena!”

“Empa u ke ke ua tšeleta mose oane. U nkile thato ea Ka ea tumello, tlase mona Lefikeng. U itlotlisitse e le uena, ua bona, e seng ’Na. U ikhalalelitse. Ha u a halaletsa ’Na. Ha u a boloka Lentsoe la Ka la tšimolohong, seo Ke u laetseng ho se etsa.” Koana, metsi a tlide.

U ka beha bakuli matsoho ’me ba tla fola. U ka porofeta, kapa ho bua ka lipuo. Empa, ntho e leng teng, ke ho boloka Lentsoe la Hae la tšimoloho! Molimo ha o fetole mohopolo oa Oona, motsoalle. U tlameha ho boloka thomo ea Hae, thato ea Oona.

“Oh, be, e ne e etselitsoe barutua.”

¹⁶⁴ Ha A fetohe. Haeba A sa ntse a e-na le morutua, ke thomo e tšoanang. “E-eang ka lefatše lohle le bolele Evangel. Mehlolo e tla tsamaea le ba lumelang ke eona ena.” Ha eso fetohe. A ke ke a fetoha.

Joale, u ka re, “Be, kea u bolella, ha e a balloa letsatsi lena.” Oh, lōna ma-Baalame! Lea bona? Lea bona, Molimo ha o fetohe. Esale Oona maobane, kajeno, le kamehla.

¹⁶⁵ Shebang ma-Baalame kajeno. “Oh, kea tseba, kahar’ a Bibele ba kolobelitse ka Lebitso la Jesu, empa, sheba, batho bohole...”

Ha ke tsotelle seo batho ba se entseng. “Ha ho Lebitso le leng tlas’ a Leholumō le neiloeng batho ho bolokeha ke lona.” “Tšoarello ea sebe ha e eo, haese ka Lebitso la Jesu Kreste feela.” Eng, hore u lokile hakae, seo u se etsang, ha e amane le eona ka letho. Ke Lentsoe la Molimo la tšimoloho; u tlameha ho tsepama le Seo. Shuu! Ke hantle.

¹⁶⁶ “Kutlo Lentsoeng la Oona e molemo ho feta sehlabelo.” Le sa hopola mohla Saule a neng a khutla.

¹⁶⁷ Baalame ka tumelo eo a e ruileng a ka be a e sebelisitse ka phetheho, Lentsoeng la Molimo la tšimoloho.

Banna ba bangata ba temeng kajeno, ba nang le lineo tsa pholiso, ba ka etsa hona hoo. Banna ba bangata kantle mane, batho ba buang ka lipuo, batho ba porofetang, neo, ba ka e sebelisetsa 'Muso oa Molimo, empa ha ba etse joalo. Ba nka... 'Me Molimo o a ba hlohonolofatsa, leha ho le joalo, ba nka thato ea tumello. Empa ka baka la botumo, le menyaka, kuno ea boitševo, ba rekisitse litokelo tsa tsoalo ea bona, joalo ka Esau, lea bona, ha a ithekile ka mokhatlo. Ho ithekisa, joaloka Baalame. Lea bona?

Ba bangata ba etsa joalo kajeno. Rea tseba e lokile. Ba rekisa ka litšoanelo tsa boholo ba bona. Huh! Basali ba ipolelang ba e na le Moea o Halalelang, ba tena dishotso; monna ea ba lumellang lifaleng, basali ba pommeng moriri lifaleng; ba farefa sefahleho sa bona, ba apere digawene tsa borapeli. Ke kutuhali e khopang ka ho fetisisa eo kereke e kileng ea e fumana.

¹⁶⁸ Ha u batla ho tseba, matleng a sepolotiki, hore ke nako efe mongoaheng oa 'muso, sheba moo Bajuda ba leng teng. Shebang kamoo Bajuda ba leng kateng, hobane ke sechaba. Ha u batla ho tseba moo lichaba li emeng, sheba Bajuda.

Ha u batla ho tseba moo kereke e emeng teng, sheba basali. Sheba mekhoa har'a basali, hobane ke papiso ea kereke. Ha u bona tšilafalo har'a basali, u fumana tšilafalo eo kahar'a kereke. E fetohile hona hoo, Jesebele ea ferefiloeng, hantle feela seo kerekeng e fetohileng sona. Lea bona? Joale, eo ke 'nete, 'me le tseba seo. Lea bona? Ha u batla ho tseba moo kereke e leng teng, sheba boitšoaro har'a basali ba lōna. Hoba, ke eëna, kereke ke mosali.

Haeba le batla ho tseba maemo a bochaba, shebang Bajuda.

¹⁶⁹ Lemohang, joaloka ha Molimo a boleletse Baalame, hoba a utloe qeto e iphotlileng ea 'nete, Lentsoe, "U se ke ua ea." E, eaba O 'molella, hoba A bone ka—ka pelōng ea hae, seo e neng e batile ho se etsa; O mo file thato ea Hae ea tumello, eaba O re, "Tsamaea."

¹⁷⁰ 'Me le uena u ka etsa hona hoo. Ha u sa batle ho tsamaea 'Neteng, u ka tloha ua itšoarela—itšoarela boselebetsi bo boholo. Ruri, u ka khona. Empa o tsamaea ka thato ea tumello ea Hae. U a tsamaea 'me u tšethema Lentsoe la Oona holimo. O tla u atlehisa, ruri. Ntho...

Joaloka ha A sebelitse Baalame. O ne a atlehile, feela ha a khona ho rohaka batho bao. Ha a khona ho etsa joalo. Hoba, enereha a qala a rohaka, a hlohonolofatse. Lea bona, ha a khona ho e etsa. Empa lebakeng la ho atleha likatlehong tsa hae, o rutile batho bao, ka Balake, ho etsa bohlola. A e sotetsa liahelong tsa Iseraele a ba nyalisa, ho re, "Khele, bohle re ntho e le 'ngoe. Khele, le rapetse Molimo o tšoanang. Re na le moporofeta holimo

mona; le lōna le na le moporofeta tlase mane. 'Me re hlahisa sehlabelo se tšoanang, le eèna Jehova oa bontata rōna. Joale, hore'ng bohole le sa tšelete ka koano la iteanya le rōna?"

Bibele e itse, "Le se ke la ithara le ba sa lumeleng. Le se ke la sikara joko le bona, ho hang. Haeba ba sa Le lumele, sutha ho bona." Lea bona? "Tsoang, le ikarole," ho rialo Morena, "'me Ke tla le amohela." Lea bona? "Le se ke la ama lintho tse sa hloekang tsa bona." Ke hantle. Sesila sa bona khahlano le Lentsoe, le lintho tse kang tseo, suthela hole le eona. U se ke ua e mamela.

¹⁷¹ 'Me mona re fumana Baalame a theohetse mono 'me o qala a ruta batho, 'me a sotelitse phoso. 'Me o—o mathile ka tsela ea Baalame, kamoo a sebelitseng kateng, 'me a ruta Balake, le bana ba Iseraele ho etsa bohlola. Eaba seoa se otla sechaba sa Iseraele, batho, 'me likete tsa bona tsa eshoa ka letsatsi le le leng.

'Me eare bohole ba sa phuthehile mono, ka pel'a aletate ea Molimo, ho ntse ho rapeloa, monna oa mo-Iseraele ke enoa o fihila le mosali oa mo-Midiane, mosali oa bolumeli ba kereke, ba kena tenteng. 'Me mora oa moprista a tloha a ea koo, a nonya lerumo a ba bolaea ba babeli. A busa khalefo ea Molimo. Le tseba Lengolo leo. Na ho joalo? Lea bona?

¹⁷² Empa ho etsahetseng? Baalame, o atlehile ho fokolisa Iseraele. O entse'ng? O fokolisitse liahelo tsa bona. Molimo oa mo lumella ho tloha le ho fokolisa liahelo tsa bona, 'me eaba liahelo tsohle lia silafatsoa.

'Me ha thuto ea mofuta e qala, e se 'Nete ea Bibele, e silafatsa liahelo tsohle. Motho ea hlahang ka mohopolo o fapaneng, joaloka Kore, ho thoe, "Be, *sena, sane*, le se *seng*, 'me ke tšoere mohopolo o fapaneng," e silafatsa liahelo tsohle. 'Me ke sona se hlahetseng liahelo tsohle tsa kereke ea lefatše kajeno. Ke hantle.

¹⁷³ Ho ruta joaloka eèna, hoo ho fokolisa liahelo tsohle bakeng sa Kadesh-barnea, e leng makhaolakhang a Lentsoe. Eare ha ba fihla Kadesh-barnea, ka hona, ho fokolisitsoe liahelo. Ba ile ba khutla. Ba ile ba ea hantle ka mora . . .

Le hopole, ba jele lijo tsa mangeloi. Ba tšoere Lentsoe la Molimo, bosiu ka bong, le bonahatsoa. 'Me ba jele lijo. Ba noele lefikeng. Bao bohole, ba bone mehlolo. Ba ne ba shebile Moshe, 'me ba bone lentsoe la hae, ba bone liporofeto tsa hae, ntho e 'ngoe le e 'ngoe.

'Me qetellong ha ba utloile moruti enoa oa bohata, ea kenang har'a bona a ruta phoso, a fokolisa liahelo, 'me a atlehisoa ke eona.

Ekaba o hahile meaho ea milione ea didolara. Ekaba o ne a ruile mekhatlo e meholo ea malumeli. Ekaba o ne a ekelitse likete tse atisoang ka likete, le ho etsa mesebetsi e meholo, le mesebetsi e matla, 'me e le moporofeta. Ke botle boo, empa, ha feela e sa kheme le Lentsoe la Molimo, u suthele hole le eona.

Molimo ha o fetole mohopolo oa Oona. Lula le Lentsoe la Hae hantle, hoba e le sona se tlang ho hlahella qetellong, Lentsoe, Lentsoe ka Lentsoe. "Ekare ha e mong a tlosa Lentsoe le le leng ho Eona, kapa a eketsa lentsoe le le leng ho Eona!" E ka khona e lule, e le Lentsoe leo.

¹⁷⁴ Joale le mamele ka hloko joale. Mohla ho fihlang teko ea Lentsoe, mohla ba tšetseng ba bona sera se seholohali, sera se seholohali seo ba kileng ba se bona, boholo ba ba-Amaleke ba—ba ba feta makhetlo a leshome. Ba itse, "Re tšoana le mehloenyane. Marako a bona, kapa metse ea bona e haelelitsoe hoo ba ka beisang makoli ba likoloha, makoloi a mabeli, ka lebelo le holimo, ba potoloha marako, lea bona, a metse ea bona. Khele, marumo a bona a le malelele, a malelele. 'Me ke malimo. Khele, re joaloka mehloenyane. Ha re khone ho e etsa."

'Me banna ba babeli ba ema Lentsoeng leo, Kalebe le Joshua, ba re, "Beang butle motsotso! Lōna batho ba dimilione li peli le thole. Re khona ka ho fetisia. Lea bona, re sera se fetang bona."

Ba e tsetlehile holim'ang? Molimo o boletse, "Ke le file lefatše. Ke la lōna." 'Me eaba ba eme mono. Empa batho ba ne ba nyalisitsoe, linthong tse ling, le litumeloaneng tsa mefuta eohle le litsamaiso har'a bona, 'me ba tšerema feela, ba tenyetseha, ba sa tsebe moo ba ka lebang teng le hore ba etse'ng. Ke hantle. Ha fihla teko ea Lentsoe.

¹⁷⁵ Koana, O u llumella ho e etsa, ho lumella thato ea hao, thato ea tumello, ka ho tseba hobane . . . Se lutseng pelōng ea hao, O a e tseba.

U re, "Be, Moena Branham, ke etsa *hore-le-hore*. Ha e nkhathatse. Molimo o ntšitsa letsatsi ka leng. Ke bina ka Moea. Ke hobela ka Moea. Ke . . ." O tla e lumella. Tsoelapele. Ke hantle. Empa u tla etsa'ng?

¹⁷⁶ "Ke tena dishotso, 'me ke etsa *sena*. Ha e ntšoenye. Kea tseba tumelo ea ka e ho Kreste, ha e moaparong oa ka."

Empa, Bibele e boletse lebaka la eona le le teng. Lea bona? U tla etsa'ng? U tla beha kutu e khopang, joaloka Baalame ha a entse, pontšeng ea basali ba bang le ba bang basele. U tla etsa'ng ho basetsana ba bacha? U tla fumana seholophsa sa bo-Ricketta, ke hantle haholo, seholophsa sa bo-Jesebele ba banyenyane ba itakileng. Lea bona?

¹⁷⁷ Empa Molimo o tla u atlehisa. "Khele, O a ntšitsa." Ke belaele. O sitsitse Baalame, le eèna. Lea bona? Ruri O tla etsa joalo. O tsamaea ka thato ea tumello ea Hae, e seng thato e phethehileng ea Oona. Molimo ha o fetole mohopolo oa Oona, kahobane A u hlohonolofatsa.

O hlohonolofalitse Iseraele lilemo tse mashome a mane kantle mane. Ba entse'ng? Ba nyala basali, ba holisa malapa, ba aka bana, ba lefa karolo ea bona ea leshome, ba phela hantle

kantle mono. 'Me Molimo o ba hlohonolofalitse feelleng, oa ba fepa manna, joalo le joalo.' Me e mong le e mong oa bona o shoele, hobane ha ba boloka eo ea Hae ea tšimoloho, e lumeletsoeng... thato ea Oona ea tšimolohong, Lentsoe la Oona. Ba nkile tsela ea Oona ea tumello.

¹⁷⁸ Tsoelapele, empa, hopola, eitse ha ba falla Kadeshe, ha ba ka ba hlola ba tsoelapele. Ba mpa ba likoloha le ho likoloha feela, feelleng. Kae, ba ne ba tla rongoa, matsatsi a mabeli kamora moo, ba ka be ba honyeletse lefatšeng la pallo. Ba tsamaile lilemo tse mashome a mane, 'me e mong le e mong ntle Joshua le Kalebe ba shoele, bona ba lutseng le Lentsoe la tšimoloho.

¹⁷⁹ Oho Molimo, re thus. Molimo ha o fetole thato ea Oona. Ha O fetole mohopolo oa Oona, empa O tla u sitsa.

Ehlide, O hlohonolofalitse Baalame. 'Me o entse'ng tlase mane? A silafatsa liahelo tsohle. Lea bona, u tlameha ho tiisetsa seo A se buileng. Ha A eso fetole leano la Hae la tšimoloho.

¹⁸⁰ Joale le shebe bo-Baalame kajeno, masimong, na le ka etsa hoo. Le qamake feela. Ba atleha, ba bua lipuo, ehlide, ba sebelisa neo ea Molimo ho rua, ntho e 'ngoe le e 'ngoe, ehlide. Empa kereke eohle ea Molimo e silafatsoa ke thuto e bolileng ea bona. Ke hantle.

E mong o itse ho 'na, o itse, "Hobaneng u etsa see? Hobaneng o etsa seo?"

Ka re, "Athe ha u lumele hore seo Ke 'Nete?"

¹⁸¹ "Oh, e. Empa," o itse, "ua tseba ke'ng? Ha e batle uena. U tlamehile ho rapella bakuli. Bao ba lumela hore u moporofeta. Khele, u ka ruta basali bao mokhoa, le monna eo, mokhoa oa ho etsa sena, sane, se seng."

"U ka hla ba ruta algebra athe ha ba ithute ABC tsa bona? Huh? Huh? U ka ba ruta lintho tseo joang ba sa amohele lintho tsa bona tse qalang?" Lea bona? U tlameha ho khutla u qala moo u qalileng teng, kapa moo u e tlohetseng teng, le ho nka Lentsoe la Molimo ka leng.

¹⁸² Shebang masimong kajeno. Joaloka ha Baalame a kene a nyalisitse kereke ea Molimo, sehlola, ho nyalisa kereke ea Molimo sehlola, le baruti ba bohata kajeno ba leka ho u bolella joalo. Ba til'o nyalisa mokhatlo o mong le o mong ona le batho bana le sehlola se seholo sa Tšenolo 17. Thuto ea bona ea Baalame e potoloha hohle kajeno, 'me ho thoe, "Rea tšoana. Bohle re Bakreste." 'Me baprista le bomopapa, le eng hape, bohle ba tenyetseha 'me ba etsa sena.

¹⁸³ Moreri o itse... Eatile ke tseba moreri oa Pentekosta, bao bohle, ba qalile ba jesa bohojana bo khilikoe ba kosher. A bolelang, *Ashtaroth*, e leng "molimo-khoeli," bohojana ba kosher. Ho thoe, "Tutubala 'me u je, haeba bo thonkha maikutlo a hao." Koala mahlo a hao? Bohojana bo khilikoe, bo bolela'ng?

Re ja 'mele o robiloeng, Jesu Kreste, o robiloeng; ha se molimo-khoeli ea khilikoe, Ashtarothe, eo Maria a lutseng litulong tsa hae. 'Me khosher ea Moroma e sa ntse e le khilikoe, bakeng sa molimo-khoeli, molimotsana, ha se molimo. Re fumana bohojana bo robiloeng ba kosher, ruri. Oh!

¹⁸⁴ Ka hona joale sehlola se seholo sa Tšenolo 17, baruti bana ba Baalame ka thuto ea bona e fosahetseng, ba nyalisa kereke litsileng tsa mofuta oo. Le shebe mohla e finyellang makhaolakhang nakong ea qetelo, shebang bofokoli ba eona hona joale. Mekhatlo e fapaneng e makholo a robong le ho hong, o mong o hulela nqa e 'ngoe, le o mong nqa e 'ngoe. Kopano ha e fumanoe har'a bona. 'Me ba ntse ba leka ho thea kopano; Lentsoe la Molimo ha le e tšehetse, leano la Molmo la tšimoloho. Ba e sotetsa ka lipolotiki le ka mokhatlo.

Molimo ha o fetole mohopolo oa Oona. O tiisetcta Lentsoe la Oona. O itse, "Maholimō le lefatše li tla feta, empa Lentsoe la ka le ke ke." Ke hantle. O tiisetcta Lentsoe la Hae la tšimoloho. Oh, banna!

¹⁸⁵ Leha koana ba beha mabaka khahlano le Lona, joaloka feela ka ha ba entse, le feela . . . Ho ka etsoa ho le hong feela. A ke ke a Le fetola. Lumela feela. Hobane, maholimō le lefatše li tla feta; Lentsoe la Oona le ke ke la hloleha le ka mehla. Lea bona?

¹⁸⁶ Na le bona moo re nyalisoang teng? Na le bona lipolotiki le lintho, kamoo ba lekang ho matahanya kereke 'moho ka lipolotiki ka kerekeng? Ha re kopanngoe le Kreste ka lipolotiki.

Re kopanngoa le Kereke, ho Kreste, ka kolobetso ea Moea o Halalelang. 'Me mokhoa oo u tsebang kolobetso ea Moea o Halalelang ka ona, kahobane Moea o leng ka ho uena o nètèfatsa Lentsoe la Molimo le leng le leng ho re ke 'Nete. Ke hantle. "Ekare ha e mong a tlosa Lentsoe le leng ho Eona, kapa a eketsa lentsoe le leng ho Eona, kabelo ea hae tla tlosoa Bukeng ea Bophelo."

¹⁸⁷ Koana, "O a atleha," u rialo. U ke ke ua lumela kahobane Seo ka ho atleha. U ke ke ua ahlola Molimo ka katleho. Lefatše lea atleha. Baalame o ile a atleha ka eona.

Empa, moena, u ahlola Molimo ka Lentsoe la Oona. O boloka Lentsoe la Oona le ho Le nètèfatsa e le 'Nete. Ka hona, hopola, motsoalle, ho pheleng ha hao feela le ka mohla, se lebale sena: Molimo ha o fetole mohopolo oa Oona. Koana, O tla hlohonolofatsa. O tla u lumella ho tsamaea ka thato ea Oona ea tumello, empa O ke ke oa fetola mohopolo oa Oona. O ke ke oa fetola leano la Oona. O ke ke oa fetola Lentsoe la Oona, molemong oa hao. Che, monghali.

Ke uena ea tlamehang ho fetoha. U ke ke ua fetola Lentsoe la Molimo ho nyallana le boiphihlelo ba hao; boiphihlelo ba hao bo tlameha ho nyallana le Lentsoe la Molimo. Lea bona? U tlamehile joalo ho . . .

U re, “Be, ke monna ea lokileng. Molimo o etsa *sena, sane*, kapa se *seng*.” Empa na ebe u boloka Lentsoe la Oona? “Oh, be, kea u bolella, e batla e se feela . . . Lekhale.” Ho lokile, phoso e teng nqa e ‘ngoe. Molimo o tlil’o . . . E, O tla u atlehisa. Ehlide, O tla etsa hore u . . .

¹⁸⁸ Mekhatlo ea malumeli e a atleha e a tšoehla! Ba thakhisitse liahelo tsa bona, likereke tse khōlō, tse ntle, le ntho e ‘ngoe le e ‘ngoe, naha ka bophara. Li ruile, ‘me chelete e phorosela kahare, ‘me litho li tsoa hohle. Na Bibele ha e a bolela, “Ho eèna ho fumanoe maruo a lefatše, esita le meea ea batho,” le ntho e ‘ngoe le e ‘ngoe, e fumanoe ho sehlola sena sa khale, e leng ‘m’ a ntho eohle, lipolotiki le mokhatlo?

¹⁸⁹ Empa seholotšoana sa Molimo ke Monyaluoaa oa Hae, setsi ke Lentsoe leo. Ntate ea ratehang oa Leholidō a le boloke le tšetletse hantle mono. Le se ke la sutha Lentsoeng leo le ka mohla.

U ka hlohonolofatsa, u ka . . . Molimo o ka folisa bakuli ba hao. A ka folisa lesea la hao le kulang. A ka folisa monna oa hao, mohats’ao. A ka folisa ‘mè oa hao, motho e mong osele. U ka qhomisoa ke Moea oa Hae, ua hobela-holimo-le-tlase.

Hopola, pula e nela ba lokileng le bakhopo, ka ho tšoana. Empa haeba peō eo e lutse mono, e hlomamisisitsoe kapa ha e a hlamamisoa. ‘Me haeba e hlomamisisitsoe, e ka khona . . . Haeba e le koro, e tlameha ho beha koro. Haeba e le Lentsoe la Molimo, e tlameha ho hlahisa Lentsoe la Molimo. Haeba e se joalo, be, e tla ba ha e joalo. Lea bona? Lea e tšoara joale?

¹⁹⁰ Morena a le hlohonolofatse. Mona ke itse ke tla koala ka hora ea robong, ‘me mona, ke metsotso e mashome a mabeli pele ho leshome. Ba bangata ba lōna batho ting, le ea hole haholo. Kea le rata. ‘Me lebaka leo ke ke tšoarellang tjena, ha se hobane ke batla ho khohlalala ho lōna, empa kea le rata. ‘Me seo ke se tsebang, ha ke koetle letho; ke le bolella ‘Nete.

¹⁹¹ Kantle likopanong tseo ke li etelang, le ka mohla ha le nkutloe ke rera Melaetsa ena. Che, ke le tšepisitse, ho tla tabernakeleng ena. Moo ke rerang Melaetsa ea ka ho tsoa teng ke hantle mona. Ke sa tšoere e merarō kapa e mene mona, eo Morena a mphileng eona, ke tšoere Mangolo a eona, nke ke ka iteta sefuba ho e rera nqa efe feela haese mona. Mona ke hona moo Lentsoe la Molimo le ileng la qala ho tsoa teng. ‘Me, ho fihlela Molimo a e fetola, Ke lula hantle mona le ho tlisa ho tsoa hantle mona. Ke hantle.

Kantle koana likopanong, ke rapella bakuli, le ntho e ‘ngoe le e ‘ngoe joalo; ‘me, ka lehlakoreng, ke bua lintho ka ho likoloha, hore linku li Le utloe. Ba tseba seo e buang ka sona. Ho seng joalo, ke phepheletsane ea selope, lea bona. Ke etsa lipontšo tse—tse lekang ho bontša hoba Moimo o a tseba, ka temoho ea moea,

o tseba mehopolo ea lipelō tsa batho, le ho etsa lintho tsena. Eo ke neo ea boevangeli, ke ho fuluha batho feels.

Ntho ea pele lea tseba, teipi e rothela ka tlung ea bona. Ke eona, he. Haeba e le nku, o tla le Lona hantle. Haeba e le pōli, o rahela teipi kantle. Uh-huh. [Moena Ben Bryant o re, "Le uena, hape."—Mohl.] Lea bona, hoo ke . . . "Le uena, hape," ke 'nete, Ben. Eo, ke eona hantle. Ben o fumane boiphihlelo bo itseng. Ke hantle. Be, ke hantle.

¹⁹² Na ha lea thabela ha le le ba Hae? [Phutheho e re, "Amen."—Mohl.] Na ha lea thaba? ["Amen."] Re ne re tloaetse ho bina thokonyana ea pentekosta, khale koana, tjena:

Ke thabile Morena o ntšitse;
Ke thabile Morena o ntšitse;
Hola e se be ka Jesu, nka be ke le kae?
Ke thabile Morena o ntšitse.

Oh, ke thabile esale Morena a ntša;
Ke thabile esale Morena a ntša;
Hola e se be ka Jesu, nka be ke le kae?
Ke thabile esale Morena a ntša.

Kea hoeletsa esale Morena a ntša;
Kea hoeletsa esale Morena a ntša;
Hola e se be Jesu, oh, nka be ke le kae?
Ke thabile esale Morena a ntša.

Thoriso! Ha lea thaba na? [Phutheho e re, "Amen."—Mohl.] "Ha lea thaba na . . ." Ha re se bineng.

Ha lea thaba Morena o le ntšitse?
Ha lea thaba Morena o le ntšitse?
Hola e se be ka Jesu, oh, nka be ke le kae?
Ke thabile Morena o ntšitse.

Be, ke binne esale Morena a ntša;
Ke binne esale Morena a 'ntšitse;
Hola e se be ka Jesu, oh, nka be ke le kae?
Ke thabile esale Morena a ntšitse.

Ha lea e thabela na? [Phutheho e re, "Amen."—Mohl.] Ka hona, re tla tsamaea Leseling. Na le tseba sefela seo?

Re tla tsamaea Leseling, Ke Leseli le letle,
Le moo marotholi a mohau a elileng;
Re chabele letšeħare le bosiu,
Oh, Jesu, Leseli la lefatše.

Ha le rate seo? Ha re se bineng hape.

Re tla tsamaea Leseling, Ke Leseli le letle,
Le moo marotholi a mohau a elileng;
Re chabele letšeħare le bosiu,
Oh, Jesu, Leseli la lefatše.

Letsatsi le chabile!

Tumisang bohle bahalaleli ba Leseli,
 Jesu, Leseli la lefatše;
 'Nete le mohau Lebitsong la Hae,
 Jesu, Leseli la . . .

Joale ha re phahamiseng matsoho a rōna ha re se bina.

Oh, re tla tsamaea Leseling, Ke Leseli le letle,
 Le moo marotholi a mohau a elileng;
 Re chabele letšehare le bosiu,
 Jesu, Leseli la lefatše.

Ha re tsukutlaneng ka letsoho.

Oh, Le moo marotholi a mohau a elileng.

Ha lea thabela ho ba bana ba Leseli na? Mora o nyolohile.

. . . chabele letšehare le bosiu,

“Lōna bana ba banyenyane, le ratane.”

Oh, re tla tsamaea feela Leseling, Ke Leseli le
 letl- . . . (ponahatso ea Lentsoe la Hae)
 Le moo marotholi a mohau a elileng,
 Re chabele feela letšehare le bosiu,
 Ke Jesu, Leseli la Lentsoe.

Bohle lea e lumela na?

Rea koana Sione,
 Sione e ntle, e ntle;
 Rea holimo koana Sione,
 Motse o motle oa Molimo.

Oh, rea koana Sione . . .

Bao ba hanang ho bina
 Ba sa tsebang Molimo oa rōna;
 Empa bana ba Khosi ea Leholidō,
 'Me empa bana ba Khosi ea Leholidō,
 'Me ba bolele menyaka ea bona mose,
 Ba bolele menyaka ea bona mose.

Hoba rea koana . . . (Thoriso!)
 Sione e ntle, e ntle;
 Oh, rea holimo koana Sione,
 Motse o motle oo oa Molimo.

Oh, rea koana Sione,
 Oh, Sione e ntle, e ntle;
 Rea holimo koana Sione,
 Motse o motle oa Molimo.

¹⁹³ Ntšā sakatuku ea hao. Ntšang lisakatuku tsa lōna, motsotsotso feela. Ha re hlahisetseng Morena nyehelo e tsokotoang. Ha se ngata, empa ba ne ba nke lisakatuku tse amileng 'mele oa Pauluse le lintho, lea bona.

Oh, rea koana Sione,
 Oh, Sione e ntle, e ntle;
 Rea holimo koana Sione,
 Motse o motle oa Molimo.

Oh, rea koana Sione,
 Oh, Sione e ntle, e ntle;
 Rea holimo koana Sione,
 Motse o motle oo oa Molimo.

¹⁹⁴ Amen! Oh, na ha se le thabise? Ekare ke bona bahalaleli bao
 ba khale morao mono, pele ba kena diserekising tsa Roma mono,
 ba qala ba nyoloha leralla leo, lea tseba, ho nyoloha moepanyana
 oo, ba kena lemeneng la litau, ba re:

Oh, rea koana Sione,
 Sione ena e ntle, e ntle;
 Rea holimo koana Sione,
 Motse o motle oo oa Molimo.

Sione koana tšimo li beha
 Sekete sa menate e khethhehileng
 Pele re fihla Teroneng ea Leholimō,
 Pele re fihla Teroneng ea Leholimō,
 Kapa re tsamaea literata tsa gauta,
 Kapa re tsamaea literata tsa gauta.

Rea koana Sione,
 Ke Sione e ntle, e ntle;
 Rea holimo koana Sione,
 Motse o motle oo oa Molimo.

¹⁹⁵ Ntšaleng morao le ntse le phetha. Morena Molimo, [Phutheho
 e re, “Morena Molimo,”—Mohl.] Ke inehela ho Uena ka bocha.
 [“Ke inehela ho Uena ka bocha.”] Ntlhatsoe ho se lokeng hohle.
 [“Ntlhatsoe ho se lokeng hohle.”] Ntlhatsoe pelaelong eohle ea
 Lentsoe la Hao. [“Ntlhatsoe pelaelong eohle ea Lentsoe la Hao.”]
 Ntumelle ’na, ho tloha Paseka ena, [“Ntumelle ’na, ho tloha
 Paseka ena,”] ho ba ’mopua e mocha [“ho ba ’mopua e mocha”]
 ho Kreste Jesu. [“ho Kreste Jesu.”] Nke ke boloke, pelōng ea ka,
 [“Nke ke boloke, pelōng ea ka,”] Lentsoe la Hao. [“Lentsoe la
 Hao.”] Lona E be Lebone maotong a ka [“Lona E be Lebone
 maotong a ka”] le tla Bonesa tsela ea ka. [“le tla Bonesa tsela ea
 ka.”] Ho qala joale ho tsoelapele, [“Ho qala joale ho tsoelapele,”]
 Ke tla latēla Uena. [“Ke tla latēla Uena.”] Ka Lebitso la Jesu.
 [“Ka Lebitso la Jesu.”] Amen. [“Amen.”]

Rea koana Sione,
 Oh, Sione e ntle, e ntle;
 Rea holimo koana Sione,
 Motse o motle oo oa Molimo.

¹⁹⁶ Na ha se le thabise? [Phutheho e re, “Amen.”—Mohl.] Re
 boetse re inehetse bocha, rea tseba lipelōng tsa rōna re tsositsoe

bafung, ho phelisoa. Na taba eo ha e le thabise? [“Amen.”] Khele, oh, banna! Ke le rata, ka lerato le sa timeng.

Mamelang. “Le ratane. Hobane u ke ke ua hloea ngoaneno, eo u ’monang, ua ntano ipolela u rata Molimo, Eo u esong ho ’mone.” Lea bona? Ka baka leo le ratane feela.

Hape, ha le sebeletsana, le sebeletsa Molimo. Na ho joalo? “Seo le se etsang ba banyenyane bana e leng bona ba ruileng Matla a phelisang ka ho bona, le se entse ho ’Na.”

“Ke neng re kileng ra U bona u hloka? Ke neng re kileng ra U etela chankaneng? Lintho tsee re li entse neng?”

“Seo le ba entseng sona, le se entse ho ’Na.”

¹⁹⁷ Ana ha e babatsehe? [Phutheho e re, “Amen.”—Mohl.] Kea Mo rata, lōna ha le etse joalo na? [“Amen.”]

¹⁹⁸ Oh, re sa tlameha ho bina sefela se le seng hape, haeba le ka baballa motsots o mong oa nako. Oh, be, re tla li nka feela. Ke hantle. Ke hantle, monghali. Oh! *Inkele Lebitso La Jesu*. Se lebaleng taba eo, metsoalle. Ha re se bineng bohole joale. E mong le e mong, ’moho joale, feela ka pelō e le ’ngoe e khōlō, e ise ho Eèna. Ha re eeng, ka sohle se leng ka ho rōna.

Inkele Lebitso la Jesu,
Ngoana masoabi le tlokotsi;
Le tla u thabisa le u tselise,
Le nke hohle moo u eang teng.

Lebitso le Ratehang, oho le monate!
Tšepo ea lefatše le thabo ea Leholidō;
Lebitso le Ratehang, oho le monate!
Tšepo ea lefatše le thabo ea Leholidō.

¹⁹⁹ Hopolang joale, le nthapelle ha ho foka lifefo tse chesang tsa hlorigo, ha diabolosi a phephetsa lehlakoreng ka leng, ke tla hopola hoba le ntse le nthapella bosiu le motšehare, ’me ke tla be ke le rapella.

Emang le molisa oa lōna ea lokileng, Moena Neville, le motlatsti, Moena Capps. Le ba utloe. Ba tla le ruta Lentsoe la Bophelo. Ke lumela seo. Hola ke sa e lumele, ruri nka ke sa ba beha mona. Ruri nke ke. Ke kholoa ba lumela Molaetsa, ’me ba tsepama le ’ona ka bokhonoi ba tsebo ea bona, ’me ke na le tumelo bobeling ba bona. Lulang le bona. Baena ba bang bana, hohle moo ba tšoarang kopano tsa bona, ba neng ba eme mona bosius bona, haeba u le tikolohong ea bona, emang le bona. Le utloile seo ba se tletseng mona, bosius bona.

Inkele Lebitso la Jesu,
Ke thebe sefing ka seng; (mamelang sena)
Meleko ha e u likanyetsa,
Lebitso leo ke la thapelo.

Lebitso le Ratehang, Lebitso le Ratehang, oho
le monate! Oho le monate!
Tšepto ea . . .

Molimo o ratehang, folisa batho bana. Kea U rapela, Ntate,
ka Lebitso la Jesu. Aba sena, Morena, kea rapela.

. . . oho le monate!
Tšepto ea lefatše le thabo ea Leholidō.

Ho fihlela! re kopana!
Maotong a Jesu re kopana;
Ho fihlela! re kopana!
Molimo a le sitse re be re kopane.

Ha re inamiseng lihlooho tsa rōna joale.

[Moena Branham o qala a binela *Molimo A Be Le Lōna* ka marameng—Mohl.] Oho Molimo, e ba le rōna. Re thusé, Morena.

. . . maotong a Jesu re kopana! (ho fihlela re
kopana!)
Ho fihlela! re kopana!
Molimo a le sitse re be re kopane.

²⁰⁰ Eo ke thapelo ea ka e tiileng. Ho fihlela re kopana, Molimo a le hlohonolofatse! 'Me joale ke tla kopa Moena Neville oa rōna ea khabane haeba a ka qhala phutheho e ntle ena.

Molimo o a le rata, e mong le e mong. Ke thabetse ho fumana batho ba tšoanang le lōna bohle. Molaetsa oa ka e ka be e leng holane ho se motho ea O lumelang? 'Me mona ho na le batho, le ka O shoela, Molaetsa ona oo re o tšoereng. Molimo a le thusé, e mong le e mong. Lithapelo tsa ka li na le lōna. Mahlohonolo a ka a tsamaee le e mong le e mong oa lōna. Le se lebale hobane le karolo ea tsoho eo. Matla a phelisang a ahile ka ho lōna hona joale. Ntho eohle e batalalitsoe. U ngoana oa Molimo.

Ha re inamiseng lihlooho tsa rōna, ho fihlela Moena Neville a qhalanya. 'Me Molimo a le hlohonolofatse.



*NA LE KA MOHLA MOLIMO O FETOLA MOHOPOLO
OA 'ONA KA LENTSOE LA 'ONA?* SST65-0418E
(Does God Ever Change His Mind About His Word?)

Molaetsa wona, ka Moena William Marrion Branham, o rerilwe sethatong ka Senyesemane mantsiboya a Sontaha mantaiboea, 'Mesa 18, 1965, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org